

Ban TRANS4MA

a r u b a

LIBERTAD Y OPORTUNIDAD TA PROSPERIDAD



PROGRAMMA PARTIDO CURPA 2021

Drs Robert Anjie



Capitulo 1)	Introducion <i>Na caminda pa transforma Aruba.....</i>	2
Capitulo 2)	Un fundeshi politico nobo <i>Transformacion den politica.....</i>	5
Capitulo 3)	Autonomia y structura estatal <i>No na COHO y NO na Landspakket.....</i>	8
Capitulo 4)	Economia y Turismo <i>Nos ta e solucion.....</i>	12
Capitulo 5)	Finanzas Publico Baha gasto, baha debe y traha dam.....	16
Capitulo 6)	Salubridad Publico Bo salud no tin prijs.....	21
Capitulo 7)	Anti Corucion Pensa dos biaha.....	24
Capitulo 8)	Husticia y Criminalidad Husticia recto y Cuerpo Policial correcto.....	27
Capitulo 9)	Imigracion Aruba prome.....	30
Capitulo 10)	Asuntonan Social y Labor Calidad y oportunidad.....	33
Capitulo 11)	Agricultura, Criadi bestia y Pesca Aruba ta produci.....	35
Capitulo 12)	Obranan Publico y Medio Ambiente Conserva naturalesa cu progreso.....	37
Capitulo 13)	Enseñanza Enseñanza cu ta conecta.....	40
Capitulo 14)	Transporte y Media Mobilidad y un Aruba informa.....	42
Capitulo 15)	Resumen Ban Transforma Aruba.....	44

1. INTRODUCCION

Na caminda pa transforma Aruba

Desde 1986 Aruba a wordo goberna door di partidonan politico tradicional cu a causa cu nos tin un aparato gubernamental gigantesco, un debe astronomico y ni 1 Florin gespaar den e caha di pueblo. Cada biaha cu un gobierno nobo sinta nan ta sigui aumenta e cantidad di empleado publico y debe manera no tin mañan y ta parce cu tin un competencia ta ken por gasta mas placa. Especialmente entre 2001 pa 2009 y 2009 pa 2017 na unda respectivamente partido MEP y partido AVP a haya e mayoria absoluto pa goberna y a redobla e debe durante nan periodo di gobernacion. Tambe nan a sigui yena e aparato gubernamental durante nan periodo di gobernacion apesar cu a privatisa varios departementonan y cu a introduci varios areglo di VUT cu mester a baha e cantidad di empleadonan publico. E desaroyo aki a sigui atrobe na 2017 pa awor y nos por constata cu e governo actual cu ta consisti di un coalicion a kibra tur record y pa fin di juni 2021 ja caba e debe a subi cu casi 2 Biyon Florin.

Ora nos sinti analisa ta dicon e debenan aki a bai for di man nos por yega na e conclusion cu mal manejo, corucion y patronahe politico ta e causantenan principal. Awor e governo actual ta purba di hustifica cu ta pa motibo di covid 19 nos ta den e situacion financiero pesimo. Pero en realidad esaki no ta e caso pasobra tur loke e covid 19 a haci ta expone e debilidad financiero y economico di Aruba causa desde 1986 pa gobiernonan d partidonan tradicional. No a percura di traha un dam pa warda awa aden. Si un dam a wordo construi desde 1986 pa warda awa aden awe nos lo ta mejor para y por a wanta cuaquier golpe Por a evita e ora ey COHO y landspakket y mantene nos autonomia.

Awe Aruba ta financieramente, economicamente, socialmente, politicamente y constitucionalmente na werki danki na e politica tradicional desde 1986 di mal manejo, corucion y patronahe politico. E uniconan cu a probecha y progresu desde 1986 ta e politiconan y nan famia, amigonan, campanadornan y sponsornan kitando asina e oportunidad igual di e pueblo pa progresu y aporta na e potencial di Aruba. Esaki ta un crimen di marka mayor contra e pueblo. Si nos sigui den un sistema tradicional di mal manejo, corucion y patronahe politico Aruba hamas lo sali for di e abismo.

E mes un partidonan tradicional cu a hinca nos unda nos ta awe kier pretende di bai reconstrui Aruba. Ta con nan por reconstrui Aruba ariba un fundeshi cu nan a laga na werki? Ariba un fundeshi na werki bo no por renova of construi un cas. E causantenan d nos problemanan hamas por ta e solucion pa nos problemanan y no por ta esnan encarga pa construi nos cas Aruba den e tempo dificil aki.

Na prome lugar e ta sumamente importante pa e pueblo votador di Aruba vota pa un fundeshi politico nobo sin participacion di e partidonan y politiconan tradicional di MEP, AVP, POR, RED,

PPA, UPP, MAS y cualquier otro partido politico nobo cu tin pensamentonan politico tradicional. Solamente

asina por garantisa cu e construcion di un Aruba nobo lo ta exitoso. Solamente si nos basha un fundeshi politico nobo nos por transforma Aruba na e bienestar di e ciudadanonan y no na e bienestar di e politiconan y nan famia, amigonan y sponsernan.

Nos tin di laga e pasado atras pa nos por cuminsa cu un futuro nobo door di rechasa masalmente e partidonan tradicional door di no vota pa nan den e proximo eleccion. Esey mester ta e prome paso cu mester wordo tuma pa tin exito. Aruba su existencia ta depende di esaki.

Den e programa aki nos lo duna nos vision y pensamentonan con nos kier transforma Aruba na e bienestar di e ciudadanonan y no e bienestar di e politiconan y nan compinchinan. Den e transformacion pa un Aruba nobo nos tur ta haya e oportunidad igual, conforme boabilidad y talento, pa progresar ariba tur nivel di bida. Solamente asina Aruba por yega su maximo potencial y wordo transforma den un nacion ejemplar, respectoso y fuerte.

Den e programa aki nos lo pone nos enfasis ariba 3 puntonan crucial menciona den capitulo 2 cu mester wordo implementa ariba nivel politico pa e transformacion ta na beneficio di e ciudadanonan y pa futuro maneho ta exitoso. E motibo ta cu COHO y landspakket, firma pa e gobierno aki, ta limita e maneho cu bo por stipula. Pero e bon noticia ta cu partido CURPA como unico partido politico a premira e situacion cu Aruba ta aden awe y na 2017 nos a prepera pa esaki cu nos programa "Salba Aruba."

Den e programa ultimo aki nos a presenta manehonan duradero pa solciona structuralmente varios problemanan pa asina prepera Aruba pa cualquier reto nos dilanti. Hulanda den e landspakket a menciona hopi solucion cu nos a pone den nos ultimo programa. Esaki ta un muestra di e calidad di nos programa. Nos ta diferencia cu e landspakket di Hulanda ariba entre otro medidanan, kitamento di empleadonan publico, subimento di edad di pensioen y importacion di mas trahador stranhero. Esakinan no lo resolve e problemanan pero lo haci nan peor. Den nos ultimo programa nos a bisa cu no mester di medida, no mestter kita empleadonan publico, no mester importa mas trahador stranhero y tampoko mester subi edad di pensioen contrario nos lo a baha esaki. Nos ta keda cu e punto di bista aki pasobra nos tin solucionnan creativo pa solciona e problemanan. Pa logra transforma Aruba exitosamente na e bienestar di Aruba y e ciudadano ta sumamente importante cu e 3 areanan menciona den capitulo 2 wordo realisa. Si esakinan no wordo realisa e pueblo y Aruba hamas lo progresar y tur maneho lo ta envano, cu of sin ayudo di Hulanda.

E programa aki cu yama "**Ban transforma Aruba**" ta consisti di e siguiente capitulonan.

Den capitulo 2 nos lo splica e importancia di un transformacion di e sistema politico pa tin un fundeshi politico nobo sin e participacion di e partidonan tradicional. Tambe lo enfoca ariba e necesidad pa elimina e sistema di patronaje politico y por ultimo e cambionan cu mester sosedes den e constitucion y ley di eleccion pa introduci un sistema di referendum y un sistema electoral nobo na unda e pueblo ta mejor representa. Den capitulo 3 nos lo elebora ariba e

topico autonomia y structura estatal na unda nos lo splica con nos lo recupera nos autonomia back den corto tempo door di termina e COHO y landspakket y con nos relacion den Reino mester sigui cana. Den capitulo 4 ta nos maneho economico y turismo na unda nos lo presenta nos plan magistral pa pone e economia y turismo back ariba pia anto mas grandi cu nunca. Den capitulo 5 nos ta presenta nos maneho financiero cu lo baha gastonan, baha debe y traha dam pa warda awa. Tur esaki sin medida. Capitulo 6 ta cubri nos maneho pa loke ta trata salubridad publico. Pa partido CURPA bo salud no tin prijs. Capitulo 7 lo cubri e maneho anti corucion cu lo ponebo pensa dos baha prome bo comete un acto di corucion. Den capitulo 8 nos lo presenta nos maneho ariba husticia y criminalidad. Imigracion lo wordo trata den capitulo 9 y den capitulo 10 asuntonan social y labor na unda calidad di bida y oportunidad ta central. Capitulo 11 ta cubri agricultura, cria di bestia y pesca na unda nos lo pone Aruba produci. Obraan publico y medio ambiente lo wordo trata den Capitulo 12. Nos maneho ariba tereno di ensenansa ta den capitulo 13. Capitulo 14 lo cubri nos maneho di transporte y media. E ultimo capitulo 15 ta un resumen di e programa.



2. UN FUNDESHI POLITICO NOBO

Transformacion den politica

Den historia politico Aruba a conoce tres partidonan tradicional grandi. Promete cu 1971 tawata partidonan AVP y PPA y desde 1971 partido MEP. E ana aki Aruba a conoce un cultura politico di partidonan tradicional di 50 año. Pa 50 año e pueblo a keda vota mescos pa sea AVP of MEP ta den gobernacion sea como partido mas grandi den un coalicion of nan so cu un mayoria absoluto. Mayoria biaha e pueblo a vota a base di tradicion di familia, fabornan politico cu a wordo duna di generacion pa generacion y promesanan falso. E patronahe politico a mantene e partidonan tradicional na poder. Sin patronahe politico e panaramo politico lo ta otro. Tambe e sistema electoral ta na fabor di e partidonan grandi y ta crea un obstaculo pa partidonan chikito y nobo drenta y forma parti di e sistema politico. E kiesdeler y restzetel ta na fabor di partidonan grandi y ta causa cu votonan den un partido chikito of nobo cu no ta logra e kiesdeler ta bai perdi y como restzetel pa e grandinan. Tambe e pueblo no ta wordo representa manera mester ta den parlamento y hopi biaha esnan cu tiki voto ta sinta den parlamento of otronan cu ta haya ta bon ta bira parlamentario independiente kitando asina e asiento di e partido.

Desde status apartus e partidonan AVP y MEP a haci hopi dano na e pais Aruba y su ciudadanonan. Nos por wak con nan a aumenta e debe awe pa 5.5 Biyon Florin cu mal manejo, corucion y patronahe politico. Aunke cu tawata tin prosperidad e prosperidad aki a bai den saco di e elite politico y nan compinchinan y no den e saco di e pueblo. E hecho cu awe nos tin un COHO y landspakket ta danki na e mal manejo, corucion y patronahe politico di AVP y MEP. Hulanda a laga sa na varios ocacion cu no por confia AVP y MEP mas.

Nos por nota cu cada biaha cu gobierno cambia e situacion ta bira peor. Mas mal manejo, mas empleado publico ta wordo nombra, mas debe ta wordo crea y mas actonan di corucion. Ta parce cu tin un competencia entre AVP y MEP den e areanan aki. Nan pensamento ta si e gobierno anterior a haci tal nos por haci igual tambe anto extra arriba dje of manera nan mes sa bisa "awor ta nos beurt". Asina e cosnan a keda acumula te dia di awe.

Pakiko e ta importante pa tin un fundeshi politico nobo sin AVP y MEP? Si e fundeshi politico no ta nobo nos lo empeora e situacion y tur manejo lo ta envano, cu of sin Hulanda. Mal manejo lo sigui, patronahe politico lo sigui y actonan di corucion lo sigui di un forma of otro. Ariba un fundeshi asina bo no por construi un cas nobo. Hulanda tampoko no ta acepta esakinan mas y por yega asina lieu cu sea Aruba mester bai scoh si nan kier independencia of bira un gemeente di Hulanda. Partido CURPA su pensamento ta cu tanten cu AVP of MEP ta forma parti di un gobierno Hulanda mester keda involvi cu e instituto COHO pa haci e reformanan y purba preveni mal manejo, corucion y patronahe politico. Pero esey nos no kier pasobra nos no tin mester di perde nos autonomia pa motibo di e partidonan AVP y MEP. Nos mester kibra e poder di e elite politico y pone e destino di Aruba den man di e pueblo y no un grupito di elite politico y nan compinchinan. Den e siguiente paragraaf nos lo elabora kiko mester wordo haci

pa tin un fundeshi nobo pa asina transforma e sistema politico na bienestar di e pueblo y no na e bienestar di e politiconan.

2.1 Un fundeshi politico nobo

Pa logra un fundeshi politico nobo e pueblo mester rechasa e partidonan AVP y MEP masalmente y manda nan oposicion of mehor ainda for di mapa politico. Si esaki no wordo realisa e situacion lo keda igual. Bo no por construe un cas nobo ariba un fundeshi bieu mescos cu bo no por pone biña nobo den un saco bieu. E no lo traha y tur maneho lo ta envano y destructivo. Pa logra manda AVP y MEP oposicion e votador mester rechasa nan masalmente y vota pa cualquier partido chikito of nobo di bo gusto, preferibel partido CURPA. Mehor ainda lo ta si e partidonan chikito y nobo uni ariba un solo lista den un bloque pa asina consolida e votonan di e pueblo pa logra un mayoria. Mester pone ego y intres di partido un banda y pone e bienestar di Aruba na prome lugar. Den e crisis cu nos ta aden e lidernan di e partidonan chikito y nobo mester uni y no dividi. Bo no por transforma e sistema politico si no tin union entre e partidonan chikito y nobo. Si e partidonan chikito y nobo por uni e pueblo por uni su tras. Partido CURPA a tuma e iniciativo, na bienestar di e pueblo, esta prome cu gobierno a cai, pa trata di uni cu Raiz, Accion 21, PPA y HTC. Partido Raiz tawata tin 0 boluntad pa participa y a keda sin reaccionar ariba yamadanen y mensahenan. E otro partidonan tawata tin boluntad pero door di caida di gobierno no a mustra flexibilidad mas pa e idea di uni. Cu otro palabra a pone propio intres ariba intres di pueblo y e union lamentabelmente no a logra. Pueblo prome a tuma contacto pa uni pero a cancela varios biaha y no tawata serio. Awor e desicion ta den man di e pueblo pa cambia e fundeshi politico door di:

- No vota pa AVP y MEP
- No vota pa e partidonan cu a nenga y cu no tawata flixibel y serio pa uni na bienestar di Aruba esta RAIZ, Accion 21, PPA, UPP, pueblo prome y HTC

E ta sumamente importante pa cambia e fundeshi politico di Aruba. Si esaki no tuma lugar nada lo cambia y tur futuro maneho lo ta envano. E prome dia di un Aruba nobo ta cuminsa cu un fundeshi politico nobo sin AVP y MEP.

2.2 Patronahe politico

Manera menciona patronahe politico ta mantene e partidonan AVP y MEP na poder. Sin patronahe politico e panaramo politico lo ta otro.

Desde 2009 partido CURPA a pone den su programa pa elimina e sistema di patronahe politico. Den e sistema actual nombracion, promocion y retiro di un empleado publico ta den man di minister cq conseho di minister. Pa termina cu patronahe politico nos lo:

- Cambia e LMA di tal forma cu nombracion, promocion y retiro di un empleado publico ta wordo haci door di un organo independiente

2.3 Cambionan den constitucion

Partido CURPA ta pro un sistema di referendum y esaki mester wordo poni den e constitucion. E referendum mester inclui lo siguiente:

- E referendum mester cubri asuntonan di legalisacion di topiconan di moralidad, inversion di gobierno di mas cu 100 miyon florin, e posibilidad di baha un gobierno, asuntonan di reino y asuntonan di le penal.
- Gobierno y parlamento mester ehecuta e resultado di e referendum obligatoriamente.
- tin e posibilidad pa revoka of adapta leynan.

2.4 Cambionan den leynan electoral

Partido CURPA ta propone pa cambia e leynan electoral di e sigunte forma:

- E 21 candidatonan ariba tur lista politico cu mas voto ta dreanta parlamento
- si un parlamentario bira minister su asiento ta bai pa e persona cu mas voto den su partido
- si un parlamentario no kier forma parti mas di su fraccion e asiento ta bai pa e partido segun e siguiente cu mas voto arriba e lista

2.5 Otro cambionan den e sistema

Politico

Pa evita cu ser un politico ta wordo mira como un carera, pa tin politiconan cu sa kiko ta come y bebe na Aruba y pa tin mas tanto posibel participacion di e pueblo den e sistema politico nos lo kier wak e siguiente cambionan:

- No por ta mas cu 6 ana un parlamentario
- No por ta mas cu 4 ana un minister
- Lo revisa e salario y beneficionan di parlamentarionan
- Mester a biba 4 ana consecutivo na Aruba pa por subi un lista politico of pa bira un minister
- Mester wak e posibilidad pa Arubianonan den exterior por vota.

Politica no mester ta un carera na unda ta dreanta politica pa probecha di e salario, beneficionan y poder politico. E mester ta un honor pa sirbi e pueblo sin pidi algo back. Asina e tawata prome cu 1986. Nos kier politiconan cu di berdad ta stima Aruba y no nan mes, partido of poder politico.

3. AUTONOMIA Y STRUCTURA ESTATAL

NO na COHO y NO na LANDSPAKKET

Desde cu Aruba a obtene su status apartus na 1986 gobiernonan a keda torna na e autonomia. Mal maneho, corpcion y patronahe politico a causa cu awe nos tin un debe di 5.5 Biyon Florin. Aunke cu tawata tin prosperidad e prosperidad aki a bai den saco di e elite politico y nan compinchinan y no den e saco di e pueblo. E hecho cu awe nos tin un COHO y landspakket ta danki na e mal maneho, corpcion y patronahe politico di AVP y MEP. Hulanda a laga sa na varios ocasion cu no por confia AVP y MEP mas pasobra nan no ta cumpli cu palabraciон haci.

Nos por nota cu cada biaha cu gobierno cambia e situacion ta bira peor. Mas mal maneho, mas empleado publico ta wordo nombra, mas debe ta wordo crea y mas actonan di corpcion. Ta parce cu tin un competencia entre AVP y MEP den e areanan aki. Nan pensamento ta si e governo anterior a haci tal nos por haci igual tambe anto extra arriba dje of manera nan mes sa bisa "awor ta nos beurt". Asina e cosnan a keda acumula te dia di awe.

Hulanda, cu razon, su stoma a yena. No ta acepta esakinan mas y por te hasta yega asina lieu cu Aruba mester bai scoh si nan kier independencia of bira un gemeente di Hulanda. No por ta asina cu cada biaha bo tin problema bo ta bati na porta di Hulanda mientras bo mes no a percura pa Aruba para arriba su mes un pia. Den e capitulo aki nos lo trece dilanti con por recupera e autonomia cu nos a perde y con nos futuro relacion cu Hulanda y otro islanan den Reino mester ta hinca den otro.

3.1 Ondertekende onderlinge regeling 13 November 2020

Ariba 13 November 2020 Aruba a conoce e dia mas scur den su historia ora cu governo a firma un acuerdo cu Hulanda pa entrega autonomia na Hulanda en cambio di ayudo financiero. Desde cu nan a sinta na varios ocacion e governo aki a entrega autonomia na Hulanda y mester a guli palabranan tough contra Hulanda. Pero e dia aki 13 November 2020 como traidor a entrega e tiki autonomia cu Aruba ainda tawata tin. A entrega autonomia arriba finansas publico, economia, husticia, enseñansa, aparato gubernamental, asuntonan social y te hasta a entrega e Florin pa Dollar. A bai di acuerdo pa Aruba wordo controla door di un organo COHO (Caribisch Orgaan Hervorming en Ontwikkeling). COHO por medio di asina yama uitvoeringsagend pa cada kwartaal lo implementa medidanan y cambionan y si no cumpli Aruba no ta haya placa di Hulanda. Ja nos a wak varios medida caba cu a wordo tuma entre otro medidanan den salubridad publico y cambionan den LTU. Tin hopi mas na caminda y pa e motibo ey governo a prefera di cai pa evita di implementa mas medidanan arriba e pueblo cu lo ta desastroso pa nan si nan a warda te eleccion na september. E acuerdo firma 13 November 2020 ta un bofta den cara di e pueblo y e pais Aruba. Cu e firmamento di e acuerdo gobierno a demonstra nan incapacidad di goberna Aruba y a haya un dikke onvoldoende.

3.2 Concepto Rijkswet COHO

Manera menciona den paragraf 3.1 gobierno a firma un acuerdo cu Hulanda na 13 November 2020 pa por medio di un Rijkswet crea un organo COHO cu basicamente lo controla entre otro e finansas publico, economia, husticia, ensenansa, asuntonan social y e aparato gubernamental. COHO, por medio di uitvoeringsagenda pa cada kwartaal, lo eherce control ariba Aruba. E concepto Rijkswet COHO a wordo manda Raad van State pa advies y ariba 10 Maart ultimo a duna nan conseho cu basicamente a bisa cu e concepto di Rijkswet no ta bai contra e Statuut di Reino. Pero tambe a bisa cu e concepto di Rijkswet falta mas claridad ariba varios puntonan y si no tin e claridad aki ey meta di COHO lo ta mas dificil pa logra. E concepto di Rijkswet COHO no a wordo aproba ainda door di e parlamentonan den Reino.

3.3 Landspakket Aruba

Den e landspakket pa Aruba tin varios puntonan menciona cu partido CURPA a pone den su programa di gobernacion na 2017. Di otro banda tin varios puntonan den e landspakket cu partido CURPA no ta di acuerdo cune. Especialmente e medidanan di entre otro un BTW di 12.5%, subimento di edad di pensioen pa 66 of mas na 2025, importacion di mas trahador stranhero for di exterior, retiro di empleado publico, menos servicio den salubridad publico, un sistema di belasting mas halto y retiro di Florin y introduccion di Dollar na Aruba. Tur e cambionan y medidanan menciona no lo yuda Aruba y lo haci cosnan peor pa Aruba y su economia. E ta increibel con un gobierno cu mester tin e bienestar di e ciudadanonan na prome lugar a bai di acuerdo cu un landspakket yen di medida.

3.4 Scenariionan politico

Tin 4 scenario di formacion di gobernacion cu lo determina si COHO y e landspakket ta sigui wak luz di dia.

SCENARIO 1

E formacion di gobierno ta consisti di sea AVP of MEP cu mayoria absoluto.

Den e scenario aki partido CURPA ta di opinion cu COHO y Landspakket mester keda existi. Dicon? Pasobra AVP y MEP ta e causantenan cu awe nos tin un COHO y Landspakket. Gobierno Hulandes no ta confia ni AVP y MEP. Fuera di esey nan no lo bai tin e solucion y capacidad pa convence Hulanda di no sigui cu e medidanan den Landspakket.

Si no tin COHO y Landspakket den e scenario aki AVP y MEP lo sigui cu mal maneho, gastamento di placa, patronahe politico, inhusticia y actonan di corpcion y e pueblo lo sigui pobr.

Cu COHO y landspakket AVP y MEP lo wordo stroba pa cometi e actonan aki y e pueblo lo ta proteha contra inhusticia y poder politico.

Scenario 1 lo ta negativo pa e economia, negativo pa salubridad publico, positivo pa ensenansa, positivo pa husticia, neutraal pa social y negativo pa e empleado publico.

Scenario 2

Formacion di gobernacion di partidonan chikito y nobo.

Den e scenario aki AVP y MEP ta den oposicion. Esaki ta e mejor scenario pa Aruba. Hulanda lo ta dispuesto pa termina COHO y landspakket. Dicon? Pasobra e partidonan AVP y MEP cu Hulanda no ta confia ta den oposicion. Ta AVP y MEP ta e causantenan di COHO y Landspakket y no e partidonan chikito y nobo. Den e scenario aki e gobierno nobo no por wordo culpa y no lo tin e problema di disconfiansa cu Hulanda mas. Pa e scenario aki logra e pueblo tin di rechasa AVP y MEP masalmente y manda nan dos oposicion. E ta den man di e pueblo.

E scenario aki lo ta positivo pa economia, salubridad publico, enseñansa, husticia, social y empleado publico.

SCENARIO 3

Formacion di gobernacion di sea AVP of MEP den coalicion sin CURPA

Den e scenario aki sea AVP of MEP lo forma gobierno cu un of mas partido sin partido CURPA. Den e scenario aki nos ta di opinion cu COHO y Landspakket mester keda. Dicon? Pasobra e partidonan chikito y nobo no tin experiencia politico y di sector publico. Tur ta wordo lidera door di comerciantenan sin experiencia di sector publico. Fuera di esey nan a demonstra di no kier a uni cu un lista combina un muestra cu nan tin intres propio y no esun di e pueblo na prome lugar. Cu otro palabra nan ta igual cu AVP y MEP. Den un scenario asina mejor COHO y Landspakket keda pa e pueblo ta proteha.

E effectonan di e scenario aki ta igual na esun di scenario 1.

SCENARIO 4

Formacion di gobernacion d sea AVP of MEP den coalicion cu CURPA

Den e scenario aki sea AVP of MEP ta forma gobernacion cu un of mas partido chikito of nobo incluyendo CURPA. Den e scenario aki partido CURPA mester haya e cartera di finansas publico, economia, turismo y reorganisacion di aparato gubernamental. Dicon? Pasobra partido CURPA tin e solucionnan arriba e terenongan sumamente importante aki. Partido CURPA ta e unico partido cu a premira e situacion cu nos ta aden awe y ja caba for di 2009 y ultimo na 2017 a prepera un programa extensivo kiko mester wordo haci pa resolva entre otro e problemanan menciona den e landspakket. Hopi cos di nos programa di 2017 ta para den e landspakket y ta un muestra cu nos solucionnan ta serio. Nos tin e solucion pa jump start e economia cu Hulanda sigur lo para su tras y nos tin e manera unico pa subi entrada di gobierno sin medida cu lo convence Hulanda cu no mester di e medidanan menciona den landspakket. Tur e puntonan aki lo duna Hulanda confiansa y nos por revisa e landspakket y saca e medidanan afor cu ta stroba e economia di crece. CURPA ta 100% sigur cu e lo logra esaki.


Effectonan di e scenario aki lo ta positivo pa e areanan cu partido CURPA ta encarga cune esta economia y empleado publico. E otro areanan lo ta nuetral.

Den e tabel aki bou por mira e consecuencianan di e scenarionan politico menciona akiriba:

	Economia	Salubridad	Enseñanza	Husticia	Social	Ambtenaar
Scenario 1	Negativo	Negativo	Positivo	Positivo	Positivo	Negativo
Scenario 2	Positivo	Positivo	Positivo	Positivo	Positivo	Negativo
Scenario 3	Negativo	Neutraal	Positivo	Positivo	Neutraal	Negativo
Scenario 4	Positivo	Positivo	Neutraal	Neutraal	Neutraal	Positivo

3.5 Structura estatal

Partido CURPA kier bisti e structura estatal un bachi nobo. Desde covid-19 mundo a cambia y lo bai tin mas retonan pero tambe oportunidadnan nos dilanti. Den un situacion asina e structura estatal actual no lo bai funciona. Durante e ultimo ananan aki especialmente cu e pedimia esaki a wordo demonstra. A trata partnernan den reino sin respect y te hasta menasa nan. Nos mester uni den Reino como parternan igual a base di un aliansa strategico. Den e aliansa strategico aki nos por enfrenta cualquier reto y oportunidad exitosamente nos dilanti. Tin 4 pais den Reino y 1+1+1+1 mester ta igual na 5 y no 4 creando asina e synergia hunto. Nos mester bisti e structura estatal un bachi nobo pa asina nos por adapta mehor na circustancianan. Cohunto nos por logra cosnan grandi. Aruba mester keda un pais autonomo y solamente e pueblo por medio di un referendum por dicidi otro.



4. ECONOMIA Y TURISMO

Nos ta e solucion

Manera nos a premira na 2017 hopi negoshi a cera nan portanan. E CITCO deal cu AVP, MEP y PDR a aproba a fracasa manera nos a adverti na 2016 cu lo pasa. Gobierno actual a regala CITCO como 320 Miyon cu awe por a wordo bon usa pa e pueblo.

No a prepera e economia y turismo pa confronta cualquier reto su dilanti. E covid-19 a expone e vulnerabilidad di e economia y turismo di Aruba. Si no ta pa loonsubsidie di Hulanda cosnan lo ta peor. Desempleo ta haltisimo manera nos a adverti na 2017 cu lo pasa.

E actividad economico ta limita y gastonan di operacion ta sigui subi cu ta causa cu hopi por perde nan trabou. Pa e consumedor cosnan a bira mas caro y cu e BTW di 12.5% na porta prijsnan lo subi cu 25% of mas creando asina mas inflacion.

Maneho di turismo pa decadanan a keda igual apesar di a privatisa esaki den un sui generis y cu a haya 4 biah mas placa pa mercadeo. Na 2017 nos a bisa si turismo sigui asina e lo baha cu 50%. Awe e ta 40% y hopi den e sector di turismo a perde nan trabou y hopi negoshi cu tin di aber cu turismo a cera nan portanan of a bai hopi atras den nan entrada. Reglanan di covid19 ta sigui vigente strobando e sector turistico di progres. E organisacion di ATA SG no ta funciona den e mundo cu nos ta biba aden.

Partido CURPA lo pone e economia y turismo back arriba su pia y alavez crea un economia y structura turistico nobo cu ta fuerte y duradero. Nos lo haci esaki door di stimula e economia grandimente door di;

- a. circula placa cu ta drumi na banco den e economia,
- b. percura cu e ciudadano resta mas placa cu e por gasta den e economia esta subi e poder di compra
- c. un tarifa di belasting mas atractivo pa negoshinan. Tambe lo diversifica e economia cu un of mas pilaar economico nobo. Nos lo crea condiconan favorabel pa negoshinan chikito opera aden. Tur esakinan lo crea cuponan di trabou, aumenta inversion den e economia, subi e GDP y subi circulacion di placa den e economia. Tambe nos lo stimula exportacion y compra online. (E-commerce) Lo purba di mantene inflacion abou y implementa un moratorio pa cierto tipo di negoshinan. Turismo lo conoce un structura nobo na unda gobierno lo limita su mes como un regulatory body y laga promocion y mercadeo den man di un N.V.

4.1 Economia

4.1.1 Mas circulacion di placa

Na hulandes nan ta bisa "geld moet rollen". Ora mas placa circula den un economia negoshinan y consumidornan ta contento. Nos lo stimula circulacion di placa ariba e siguiente maneranan:

A. NV's di Public Pueblo Partnership

Nos, esta e pueblo, ta e solucion pa pone e economia y turismo di Aruba back ariba su pia. Con nos lo logra esaki? Nos lo lanta NV's cu un structura di **Public Pueblo Partnership** na unda e pueblo ta inverti den e NV cu lo desaroya proyectonan exitoso y grandi cu tin potencial di genera ganashi. pa e NV. Banconan ta sinta ariba hopi placa di e pueblo. Door cu banconan ta sinta ariba hopi placa e cliente su interest ta hopi abou esta menos cu 1%. Door di haya e oportunidad di inverti bo placa den bo pais den proyectonan exitoso bo por haya un interest di e ganashi cu por ta 10 biah of mas halto cu loke bo ta haya na banco. Por ehempel e proyecto di un teriferico for di lighthouse te cu baby beach por wordo financia door di stakeholders y pueblo mes enbez di companianan priva. No mester di placa externo y e placa lo keda Aruba. E pueblo por inverti cu Sea 10 Florin, 100 Florin of loke bo por permiti. Unabez un proyecto asina keda cla y ta den funcion e pueblo por haya frutanan di su inversion den forma di dividendo cu ta hopi mas halto cu laga bo placa na banco. Asina lo bai tin varios companianan di PPP cu lo genera ganashi na unda e pueblo por inverti. E proyectonan aki lo subi e GDP cu mas di 1 Biyon Florin.COHO, via Hulanda, tambe por inverti den e proyectonan aki. Gobierno su participacion den un structura asina lo ta limita of te hasta0 pa evita metamento politico. Te awor nos lo kier cuminsa cu tres proyectonan grandi na unda e pueblo por inverti cu nan placa esta 1. teriferico for di lighthouse pa baby beach via costa Noord 2. Aruba Tourism N.V. y 3. Fast ferry.

B. Subi poder di compra

Mas placa lo circula den economia si nos subi e poder d compra. Nos lo haci esaki door di bin cu un sistema di belasting nobo di tres tarifa cu lo laga mas placa den bo cartera. Tambe e salarionan minimo lo subi unabez e mercado laboral stabilisa door di bin cu un paro di permiso di trabou y nos pak aan e problematica di ilegal cu ta stroba salarionan di subi. Mas placa den cartera di e ciudadano significa mas placa pa gasta den e economia. Pesey partido CURPA ta contra loke ta para den landspakket pa importa mas trahador stranhero. Esaki lo no drecha e economia pero daña e economia.

C. Subi inversion den economia

Nos lo subi e grado di inversion den e economia mas ainda cu nos sistema nobo di impuesto. Den e sistema nobo aki negoshinan chikito lo resta mas placa pa inverti den nan negoshi sea den ekipo, material, producto of mas cupo di trabou.

4.1.2 Crea un pilar economico nobo di remede di tera legal

Aruba ta conoci di tin varios remede di tera legal cu por wordu usa pa mehora e salud di un persona. Nos kier desaroya e potencial aki door di inclui remede di tera legal cu ta produci na Aruba den epakete di AZV. Di e forma aki nos por stimula entrepeneurs drenta e mercado di remedi di tera legal creando asina mas actividad economico y cuponan di trabou. Si e remedenan di tera produci na Aruba resulta bon esakinan por wordu exporta pa otro paisnan den mundo un mercado di 107 Biyon di Dollar. Nos ta kere cu e remedenan di tera cu ta unico na Aruba, cu ayudo di AZV por bira un pilar economico nobo pa Aruba. Un producto traha y cumpra na Aruba.

4.1.3 Bin cu un tax holiday pa companianan nobo cu kier inverti na

Nos lo bin cu un tax holiday di 0% pa companianan nobo cu kier inverti un cierto suma y cantidad di empleado den nos economia. E tax holiday aki solamente ta pa companianan cu lo crea cuponan di trabou cu ta rekeri un cierto experticio. Di e forma aki nos kier crea mas cuponan di trabou professional pa entre otro nos Arubianonan professional. E structura di tax holiday lo ta hopi interesante pa companianan manera clinica medico.

4.1.4 Simplifica reglanan y proceduranan pa lanta un negoshi

Mester cambia leynan, proceduranan y menos burocracia pa lanta un negoshi. Mester ta posibel pa lanta un negoshi den 48 hora sea den persona of via internet. No por ta asina cu un negoshi mester warda lunas si no ta añanan pa haya cierto permiso pa opera. Tur esaki solamente ta stroba actividad economico. Tambe nos lo cambia e discriminacion den e ley di vestigingsvergunning na unda un persona cu no ta naci na Aruba pero tin un of dos mayor naci na Aruba ta rekiri di pidi un vestigingsvergunning mientras un persona naturalisa no tin e problema aki.

4.1.5 Stimula exportacion

Aruba ta un isla di importacion nos ta importa hopi pero hopi mas cu nos ta exporta. Esaki no ta bon pa e economia. E pilar economico nobo di remede di tera legal cu nos kier crea si resulta bon por contribui grandimente na e GDP pero tambe exportacion. E mercado mundial di remede suplement ta como 107 Biyon di Dollar y solamente un fraccion di esaki pa Aruba lo tin un impacto economico grandi. Tambe nos kier stimula exportacion di pesca. Nos lo habri e mercado di pesca manera stipula den nos plan di agricultura, pesca y cria di bestia. Por ultimo por stimula exportacion door di deshasi di un freezone fisico. Laga Aruba henter ta un freezone via di un sistema di accounting estricto. Di e forma aki bo ta expande bo actividad di freezone ariba henter e isla sin cu mester ta fisicamente como un compania presente den un area di freezone cu ta wordu controla door di douane.

4.1.6 Stimula E-commerce local

Nos kier stimula E-commerce pero ariba nivel local. Un compania por registra como un compania cu ta ofrece servicio di E-commerce y haya un impuesto di ganashi (winstbelasting) di 7.5% ariba productonan y servicionan bendi via di internet. Di e forma aki companianan por expande nan actividad den un mercado mas amplio y clientenan por cumpra productonan y

servicionan local via di internet. Tur esaki lo stimula e economia local. Durante e epidemia nos por a wak hopi companianan ofrece nan productonan y servicionan via internet.

4.1.7 Mantene inflacion abou

Partido CURPA lo percura cu inflacion ta keda bou control. Lo baha cierto tarifa di invoerrechten. Tambe lo baha e accijns ariba gasoline. Ora gastonan di negoshi baha prijsnan por baha.

4.1.8 Moratorio

Mester bin cu un moratorio ariba cierto tipo di negoshi. Lo tin un sigur pa construccion di mas hotel, apartamento y condo.

4.2 Structura nobo den turismo

4.2.1 Aruba Tourism N.V.

ATA SG lo stop di existi y lo crea un Aruba Tourism N.V. E N.V. aki lo ta den forma di un **Public Pueblo Partnership** na unda stakeholders den turismo y pueblo por inverti placa aden como accionista. Gobierno por ta un accionista di maximo 25% pa evita politikeria den e N.V. Door di inclui stakeholders y pueblo como accionista turismo lo bira better y stronger. Lo tin e mehornan den mundo di turismo uni pa asina crea un synergy den turismo. Na final di dia nos tur ta representa e producto Aruba. Cu e structura nobo aki turismo lo bai conoce un aumento gigantesco den e proximo ananan nos dilanti.

4.2.2 Regulatory body

Gobierno lo crea un regulatory body di turismo cu lo encarga su mes cu cambionan den ley cu ta afecta e mundo di turismo, asuntonan di permiso den e sector turistico y representante di gobierno den turismo.

Nos maneho economico y di turismo menciona den e capitulo aki lo stimula e economia nobo y aumento den turista lo crea hopi cupo di trabou. E economia y turismo lo ta back ariba su pia anto mas grandi cu nunca pasobra nos lo inverti den Aruba, pasobra nos ta e solucion!

5. FINANSAS PUBLICO

Baha gasto, baha debe y traha dam

Aruba su finansas publico ta na werki. Desde 1986 gobiernonan no a percura di traha dam pa warda awa aden pa temponan preta. E epidemia di covid-19 a expone e mal maneho financiero di e gobiernonan desde 1986. E gobierno actual a traha como 1.5 Biyon di Florin na debe den apesar 3 1/2 ana di tempo kibrando asina tur record. A sigui mal gasta placa y a sigui enrikece nan mes y nan friends and family. Nan ta bisa cu e debe a alcansa 120% di GDP algo cu na 2017 partido CURPA a adverti cu lo pasa si e pueblo sigui vota igual. Nos ta kere cu e percentahe aki ta mucho mas halto door cu e GDP a baha drasticamente. Nos por bisa cu Aruba ta na rand di ta bancarota. Hulanda a duna un man pa evita mas desaster economico y financiero. Pero e man aki a costa Aruba su autonomia. Gobierno a firma un acuerdo cu Hulanda pa haya placa y Hulanda a exigi en cambio pa Aruba bai di acuerdo cu un COHO y landspakket. COHO lo supervisa entre otro e maneho financiero di Aruba y via landspakket y uitvoeringsagenda lo introduci cambionan y medidanan pa entre otro sanea e finansas publico di Aruba.

Partido CURPA no ta di acuerdo cu e medidanan menciona den e landspakket. E medidanan menciona den e landspakket ta entre otro introduccion di un BTW di 12.5%, un sistema di belasting mas caro, retiro di ambtenaar, cortamento den salubridad publico, subimento di edad di penshon pa 66 of mas, mas imigracion di trahador stranhero y cambia e Florin pa Dollar. Nos ta kere y ta sigur cu e medidanan aki lo haci mas daño cu bon na e economia, e finansas publico y e ciudadano. E caminda mas facil ta medida pero nos caminda ta creatividad.

Aruba ta un di e paisnan den mundo cu un sistema di belasting, directo y indirecto, mas halto. Anto asina mes placa no ta yega. Dicon? Pasobra tin mal gastamento di placa, mal maneho, patronahe politico y actonan di corucion. Aunke tawata tin prosperidad esaki a bai den saco di e elite politico y nan compinchinan y no den saco di e pueblo. A bira tempo pa baha gasto, baha debe y traha dam pa warda awa aden.

5.1 Baha e debe y suma di interes

Tres cos lo baha e debe y pago na interest.

A. Balancia e presupuesto

Prome cos cu nos lo hasi ta balancia e presupuesto 2022 pa dilanti pa evita asina cu mas debe ta wordu traha. No lo permiti un presupuesto cu deficit.

B. Cambia manera di paga debe

Tambe nos lo cambia e manera con ta paga e debe esta enbez di paga mensual nos lo paga e debe pa siman esaki lo hasi cu e debe lo wordu paga back den menos tempo y tambe cu e suma cu mester paga na interest lo baha.

C. Parcial kwijtschelding di debe

Nos lo bai sinta tambe cu nos fiadornan na mesa pa wak e posibilidad di haya un kwijtschelding parcial di e debenan pa asina na final nos consolida e debenan den 1 debe na unda nos lo negocia un interest mucho mas abou cu loke ta wordu paga awor. Si nos ehecuta paragraaf 5.1 nos debe lo baha y tambe e suma cu nos ta paga na interest cu actualmente ta mas cu 240 Miyon florin pa aña. Menos placa na interest significa mas placa den caha di gobierno.

5.2 Bahá cierto gastonan ariba presupuesto

E gastonan di gobierno ta halto y tin tiki espacio pa baha gasto ariba e presupuesto. Pero tin por lo menos 4 categoria di gasto ariba presupuesto cu por baha drasticamente y scapa Aruba miyones.

A. Reis en verblijfkosten

Nos ta kere cu e viahenan di trabow cu e politiconan ta hasi rond di mundo por baha drasticamente. Parlamentarionan mester cuminsa biaha economy class enbez di business class. Mester revisa e sistema di daggeldvergoeding y solamente ta bai ariba biahenan cu ta necesario y cu ta trece placa aden pa Aruba. Mester haci mas tanto video conferencing algo cu durante e epidemias a wordo hopi usa.

B. Huur di edificio

Lo no huur edificio mas y edificacionan cu nan contract ta termina no lo wordo prolonga. Tampoko no lo lease/huurkoopedificio. Nos tin di traha cu e edificacionan cu gobierno tin den propiedad. Nos lo stimula traha for di cas, manera tawata y ta e caso durante e epidemia, cu ta haci cu menos espacio di oficina mester wordo usa.

C. Deskundig bijstand

Lo baha servicio di consultancy drasticamente. Si ta posibel na 0. Mester usa e experticio den e aparato gubernamental. Por pidi Hulanda technische bijstand cu lo wordo paga door di Hulanda. Hopi di e gastonan di consultancy no ta necesario pero mas bien ta dunamento di fabor politico na conociernan, famia of sponser di e politico.

D. Bahá gastonan di utilidad

Mester busca un manera di baha e gastonan di coriente, awa, internet y telefoon. Fuera di baha e uso mester negocia tarifanan mas abou. Tambe mester cumpra material manera pen, papel, muebles pa departementonan ariba nivel central na unda por haya un mejor prijs. Mas digitalisacion y automatisacion por reduci uso di pen, papel, ink y storage. Mester negocia directo cu un vendor y no e middle man pa haya un mejor oferta y prijs por ehempel aeroliñanan enbez di agencia di biahe.

5.3 Bahá gastonan den e aparato publico

Nos tur sa cu e aparato publico ta mucho grandi, ineficiente y caro. Nos tin di baha e gastonan den esaki sin cu mester kita ambtenaar y baha calidad di servicio. E siguiente puntonan lo baha e gastonan:

A. Maximo di 7 minister

Pa caminsa nos lo pone un limiti di maximo 7 minister y esaki mester wordo cambia den ley cu actualmente ta bisa ta 9. Tambe mester kita e funcion di minister plenipotenciario na Washington y representante na Brussel.

B. Limita e cantidad di coordinador

Tambe nos lo limita e cantidad di coordinador cu cada minister por tin na 10, 3 externo y 7 interno.

C. Kerntaken analyse

Mester ehecuta un kerntakenanalyse na unda ta bai determina kiko e tareaan esencial ta di gobierno. Loke no ta tareanan esencial por wordo independisa sea interno of externo. Trahadornan no lo perde nan trabou den un independisacion.

D. Personeelsstop

Mester bin cu un personeelsstop estricto. No ta tuma ambtenaar den servicio ni tampoko den lugar di un ambtenaar cu a retira. Lo tin excepcion pa funcion esencial den husticia, enseñansa y cuponan di trabow cu falta experticio.

E. Nombracion, promocion y retiro di ambtenaar

Pa evita cu hendenan ta wordu nombra via di e sistema di patronaje politico lo cambia e ley di LMA di tal forma cu un minister cq ministerraad no ta keda encarga mas cu nombracion, promocion y retiro di un ambtenaar.

F. Part time trabou

Pa esnan cu kier traha part time como ambtenaar mester crea e posibilidad aki si e funcion ta permiti. Esaki tambe lo baha e gastonan di personal.

G. Paro di studie opdracht

Lo no duna studie opdracht mas na ambtenaar, politico of coordinador. Si ta interesa di sigui un estudio na universidad di Aruba of otro instituto por haci esaki pero lo tin di entrega mitar di nan salario. No lo duna studie opdracht pa exterior tampoko.

H. Un areglo di VUT atractivo

Lo bin cu un areglo d VUT atractivo pa esnan cu tin 20 ana of mas den servicio. E areglo di VUT lo ta pa 5 ana na 100%, 90%, 80%, 70% y 70%.

5.4 Crea mas placa den caha di governo sin medida

Partido CURPA no ta kere den medida. Nos ta kere den baha gasto manera describi den paragraaf 5.1, 5.2 y 5.3 y subi entrada sin medida manera lo wordo presenta den e paragraaf aki.

A. NV's di Private Pueblo Partnership

E NV's di Public Pueblo Partnership manera menciona den nos plan economico lo crea hopi cupo di trabou cu significa mas entrada na loonbelasting, winstbelasting, dividend belasting y mas placa pa fondonan di AZV y AOV.

B. Pilaar economico di remede di tera

Tambe pilar di economia nobo di remede di tera legal lo genera entrada pa gobierno. E lo aporta na loonbelasting, winstbelasting, dividend belasting y fondonan di AZV y AOV.

C. Tourism levy tax

Den nos plan economico y turismo nos a bisa cu nos lo bin cu un Aruba Tourism N.V. den forma di un Public PuebloPartnership. E empresa aki lo genera su entrada y lo contribui na caha di gobierno y fondonan. E tourism levy tax antes room tax ta como 80 miyon pa ana. E placa aki no lo bai pa e Aruba Tourism N.V. pero den caha di gobierno. Mas nos turismo crece mas tourism levy tax lo dreinta den caha di gobierno.

D. Mas dividendo di empresanan estatal

Nos lo percura cu companinan di governo genera mas ganashi pa asina mas dividendo dreinta den caha di gobierno.

E. Cobra pa riolering

Hopi negoshi y cas ta conecta cu e sistema di riolering cu ta costa gobierno como 30 miyon pa ana. E suma aki tin di wordo cubri door di esnan cu ta haci uso di e sistema di riolering.

F. kanspel belasting

Den e landspakket ta para cu lo introduci un asina yama kansspelbelasting. Partido CURPA tawata tin esaki den su programa na 2017. Ariba un premio di mas cu 1000 Florin ta paga un kansspel belasting. Nos a carcula cu esaki lo trece como 60 miyon Florin pa ana den caha di gobierno.

5.5 Impuesto

E sistema actual ta stroba desaroyo economico, ta caba cu e clase medio y ta negativo pa e poder di compra. Hulanda a bisa den e landspakket cu lo revisa e sistema di belasting y cu lo busca pa un sistema mas amplio na unda esnan cu mas entrada ta bai paga mas belasting. Nos no ta kere den un sistema asina y e lo stroba actividad economico y e poder di compra. Nos lo cambia e sistema pa uno di 3 tarifa simplificando asina e sistema di belasting. Nos sistema nobo di belasting lo pone mas placa den bo cartera y lo fortifica e clase medio.

Esaki lo stimula e economia grandimente.

Nos 3 tarifa lo ta 5%, 10% y 30%na unda cu cada tarifa ta wordo aplica den cierto cantidad di entrada. E belastingvrije voet di Afl. 28861 lo wordo kita di bo entrada prome cu aplica e tarifa.

5.6 BTW di 12.5%

Den landspakket ta poni cu lo introduci un BTW di 12.5% y si mester esaki lo subi mas ainda. BBO lo wordo elimina. Nos ta contra e manera con kier implementa e 12.5% di BTW. Dicon?

pasobra e lo subi e prijs mas ainda pasobra Prijsnan actual ta inclui BBO acumulativo caba y si nos pone un otro BTW di 12.5% ariba dje e por subi entre 24.5% pa 30.5%. Entre 12 pa 18% lo bai den saco di e comerciante. Door cu gobierno a obliga e comerciante di pone e BBO den e prijs e comerciante lo no kita e BBO for di nan prijs. Den pasado ora a reduci e BBO cu 50% no a haci esaki tampoko.

Partido CURPA lo bin cu ley pa e BBO no ta inclui den e prijs pa despues cambia esaki den un BTW. Di e forma aki prijsnan no lo subi.

5.7 Cobra y restitucion di belasting

Ta basta awor cu no por yena bo belasting online. Nos lo bin cu un sistema na unda bo ta yena bo belasting online y si bo tin di haya placa back esaki lo ta den tres luna. Si no cumpli cu tres luna lo tin di paga e pagador di belasting interest. Igual ta conta si pagador di belasting debe gobierno. Tambe mester tin mas posibilidad di paga debe di belasting disponibel manera via credit card.

5.8 Traha dam pa warda awa

Nos maneho stipula den e capitulo aki lo resulta den un surplus ariba presupuesto. Mitar di e surplus aki lo bai pa paga debe y e otro mitar lo wordo poni den un asina yama rainy day fund. Di e forma aki nos lo traha un dam pa warda awa aden pa ora cos ta preta.

E maneho stipula den e capitulo aki lo percura cu e debe lo baha y pa tin un surplus ariba e presupuesto. Cu e maneho aki combina cu nos maneho economico por convence Hulanda cu no mester di medida manera poni den e landspakket. Unabez nos tin nos finansas publico na ordo cu un gobierno serio cu CURPA nos lo recupera nos autonomia financiero back. Nos rating lo subi y mas inversionista lo ta interesa di inverti den Aruba.

6. SALUBRIDAD PUBLICO

Bo salud no tin prijs

Salubridad publico na Aruba ta laga hopi di desea. Hulanda por medio di landspakket kier corta den bo cuido medico y partido CURPA hamas lo acepta esaki.

Tin varios problema den nos salubridad publico. Patient mester warda pa lunanan largo pa haya un cita cu un specialista, pa haci un test of un operacion. Un cita cu bo dokter di cas ta wordo dicidi door di un asistente y no tin e opcion pa tin un cita via video conference. Tambe no ta gusta manda patient pa specialista. Hopi remedи no ta paga mas. Mandamento di patient pa exterior ta pa cierto patient un proceso largo y hopi biaha tin politikeria den esaki. E seguro di AZV no ta cubri hopi cos. Hopi patient ta fayece a causa di fout cu ta wordu haci door di dokter tin biaha fout kens. Gastonan di AZV ta halto y no tin un control manera mester ta ariba esakinan cu e consecuencia cu ta corta den remedи y servicio. Ta parce cu e salud di e patient no ta na prome lugar pero otro interesnan. Nos maneho lo haci cambio den esaki y lo pone bo salud na prome lugar sin limite pasobra bo salud no tin prijs. E maneho di covid-19 ta malo. Como 10 mil hende infecta y 100 morto. Nos ta un di e paisnan mas halto den mundo per capita di hende infecta y ariba e averahe di esnan cu a muri di covid-19. E salubridad publico no a wordo bon proteha contra covid-19. Leynan a wordo kibra links en rechts y miedo a wordo pon den e pueblo creando asina un panico. Aruba no mester ta un isla di miedo pero un isla sin miedo.

6.1 Sistema nobo di dokter di cas

Un patient mester por haya un cita cu su dokter di cas ariba mes un dia. Mester cuminsa exigi cu un dokter di cas ta haci bishita na cas pa esnan cu ta bedliggend, tin demencia severo y limitacion fisico cu ta stroba nan di haci bishita na dokter. AZV mester exigi pa tur dokter di cas tin un minimo di ekipo pa detecta y trata casonan medico chikito. Nos por pensa ariba machine di echo, machine pa detecta problema di nervio, test pa sucu y oxygen y tratamientochikito manera kita blofen. E dokter di cas mester inverti pa tin e ekiponan den su practic pa por tin servicio cu AZV. Tambe mester por ofrece e patient consulto via video conferencing.

6.2 Sistema nobo pa specialista

Mester baha e lista di espera pa haya un consulta cu un specialista. Na unda tin falta di specialista mester busca esakinan for di exterior sea permanentemente of temporal. Tambe mester tin e opcion cu esnan cu kier paga pa haya un cita por haci esaki.

6.3 Amplia pakete di AZV

Nos lo amplia e pakete di AZV cu mas servicio sea sin pago extra of cu pago extra. Nos lo amplia e pakete cu e siguiente servicionan:

- a. seguro di biahe. Esaki ta pa casonan di emergencia y ta cubri gastonan medico comperabel na prijs na Aruba.
- b. remedи y tratamiento alternativa

- c. segundo opinion via network internacional di specialista. Esaki lo ta via email, telefoon of video conferencing.
- d. limpieza di diente y bril

6.4 Bahia e tempo pa haci test of operacion

No por ta asina cu mester warda hopi pa haci cierto test of operacion. Pa cuminisa mester exigi cu cada dokter di cas tin cierto ekipo basico na nan practica cu por detecta si algo ta malo cu e patient pa asina e patient ta na tempo pa wordo trata. Por ehemper un machine di echo cu no mester warda pa 6 siman pa haci un simpel echo. Tambe nos tin di habri e mercado pa tin competencia cu hospital pa loke ta trata servicio di test y te hasta sala di operacion. Por pensa aki ariba un clinica medico cu por bin na remarca pa un tax holiday conforme nos maneho economico. Competencia ta bon y por baha e prijs y hisa e calidad di servicio.

6.5 Cuido den Reino

Conforme e landspakket lo traha mas estricto den Reino Hulandes pa loke ta trata compra di remedies y servicio medico. Partido CURPA ta pro e structura aki. Si un patient mester wordo manda exterior pa haya cuidado medico esaki mester ta sea na Corsou of Hulanda. Mandamento di patient pa Colombia no mester ta e caso mas. Door di traha den Reino Hulandes e gastonan lo baha drasticamente y e patient ta haya mejor cuidado y mas cerca di cas.

6.6 Pone dokter responsabel pa fout cometí

Hopi fout ta wordo cometí door di dokter y nada ta wordo haci. E patient mester haya mas derecho y un organo independiente mester investiga automaticamente cualquier caso di mal practica. Si un dokter comete mas cu 1 fout e mester wordo poni responsabel y no por sigui eherce su trabou como dokter na Aruba. Nos no por permiti wega cu salud di hende.

6.7 Tur bida tin balor

No ta permiti euthanasia scondi. Dokter mester informa e familia di e patient kiko pa haci si tin complicacion cu e patient. Esaki mester bai den consulta cu e familia. Pa partido CURPA tur edad ta conta y no por ta asina cu si bo ta mas grandi bo tin menos derecho ariba cuidado medico y bida. Pa partido CURPA bo salud no tin prijs. Nos no por baha gastonan den salubridad publico y pone bo salud y bida na peliger. No por corta den salubridad publico y Loke e costa e ta costa sin wak patras. Si tin di aparta for di caha di gobierno pa mantene un bon sistema di cuidado pa e ciudadano lo tin di haci esey sin pensa dos biaha pasobra bo salud no tin prijs. Ningun hende kier ta malo of tin un malesa. Mester busca maneranan mas eficiente si y concientisa e pueblo cu nan tin di cuida y pone nan salud na prome lugar.

6.7 Maneho di Covid-19

Nos maneho pa loke ta trata covid-19 ta lo siguiente:

A. Cambia e PCR test pa un Antigen test

Den e sistema actual aeropuerto ta usa un PCR test ariba esnan cu yega Aruba sin un resultado di test. E sistema aki no ta bon mirando cu e biahador tin di warda ariba su resultado na hotel of cas cu ta pone cu e virus por plama si resulta cu e ta positivo pa covid-19. Nos lo cambia e PCR test pa e Antigen test na aeropuerto. Di e forma aki turistanan y ciudadanonan cu yega Aruba sin test por haci nan Antigen test y haya resultado den 15 minuut. Di e forma aki plamamento di e virus ta mejor bou control.

B. Nos lo sigui ley di infectieziekten

Pa combati e covid-19. Cuarentena obligatorio y isolacion mester bai via corte. Tambe mester designa un lugar pa esnan cu ta den cuarentena y isolacion. No por ta den cuarentena y isolacion na cas.

C. Elimina seguro di covid-19 pa turista

Lo stop cu e seguro di biahe pa covid-19 obligatorio pa turista. E turista mester mustra un carta si cu e tin un seguro cu ta cubri covid-19.

D. Pro choice pa vacuna

Nos ta pro choice pa cu e vacuna. No lo forsa esaki ariba e ciudadanonan y esnan cu no kier tuma e vacuna mester wordo respecta. No lo permiti ningun compania exigi pa ta vacuna pa sea haya trabou, subi nan propiedad y haya servicio.

E. Test di covid-19 gratis pa residente na aeropuerto

Residentenan di Aruba cu regresa Aruba back no mester paga pa haci covid-19 test na aeropuerto of otro punto di entrada. E test ta inclui den bo seguro di AZV.

F. No lo permiti un paspoort di vacuna

CURPA no lo introduci un paspoort di vacuna cu bo lo tin di cana rond cune pa mustra cu bo ta vacuna contra covid-19.

Cu e maneho den e capitulo aki nos ta garantisa cu e ciudadano por conta ariba un bon sistema di cuido di salud. Tambe nos ta segura cu e salubridad publico ta proteha contra e covid-19 of cualquier otro virus, sin tin mester di tin miedo.

7. ANTI CORUPCION

Pensa dos biaha

Corrupcion ta bin den diferente forma. Ora un funcionario haci uso di su poder y autoridad en cambio pa beneficio propio nos ta papia di corrupcion. Tambe tin corrupcion ora un funcionario den poder y autoridad inhustamente a benicia sponser, amigo y famia. Corrupcion no ta bon pa un pais pasobra entre otro:

1. E ta costa comunidad hopi placa por ehempel RDA
2. E ta manera un cancer ya cu corrupcion ta crea mas corrupcion.
3. E ta trece desconfiansa cune den gobierno.
4. E ta stroba e desaroyo economico door di menos inversion.
5. Corrupcion ta baha confianza den pueblo den un gobierno cu ta baha e cumplimiento di paga belasting creando mas deficit.

Partido CURPA lo bin cu un maneho anti corrupcion estricto. Esun cu kier haci un acto corrupto lo pensa 2 biaha prome cu haci esaki. Lo tin un maneho na unda nos lo ruim op de boel y esnan corrupto lo mester paga pa nan accionan. CURPA lo pasa un basora di hero anti corrupcion den e aparato gubernamental y sistema politico.

7.1 Investigacion di actonan corrupto door di un tercer partido

Aruba ta asina yen di corrupcion cu nos mes no por investiga actonan di corrupcion. Un corrupto no por investiga un corrupto. Mester laga un tercera partido manera Transparency International investiga actonan corrupto na Aruba. Hopi pais corrupto manera Colombia a haci esaki anto cu exito. Mester cuminsa sera e asina big fish pa duna un ehempel cu no ta tolera ningun forma di corrupcion. Na otro paisnan manera merca politiconan ta wordu sera pa cosnan chiquito y aki na Aruba tur ta cana rond cu cara na laira. Unabez cu sera e big fish un ehempel lo wordu duna pa pensa dos biaha prome cu haci un acto corrupto.

7.2 Analisa e riesgonan den departamento pa corrupcion

Mester laga e analistanan di riesgo haci un estudio di e riesgonan cu tin den departementonan den entre otro e organizacion administrativo y funcionan cu ta vulnerable pa corrupcion. Na unda ta necesario lo mester adapta proceduranan y introduci rotacion di funcion.

7.3 Cambia leynan

Mester cambia leynan di tal forma cu:

1. No mester depende di minister pa cuminsa cu un investigacion di actonan corrupto
2. Cu ta sera e buraconan den e ley di Comptabilidad pa loke ta trata otorgamento di proyectonan sin aprobacion adelanta di Parlamento.

7.4 Usa e instrumento di Parlamentaire Enquête

Desde Status Aparte e Parlamento no a haci uso di e instrumento di Parlamentaire Enquete pa investiga proyectonan corrupto. Claro cu ningun partido a usa esaki pasobra un corrupto cu tin

manteca ariba nan cabez no ta investiga un otro. Nos lo investiga proyectonan cu ta parce ta corrupto.

7.5 Introduci un code corporate governance obligatorio pa tur NV's di gobierno

7.6 Amplia e ley di Openbaarheid van Bestuur

Amplia e ley di Openbaarheid van Bestuur (LOB) cu un seccion di boet na unda un minister mester paga un boet si un departamento of e mes no kier copera di duna informacion na un ciudadano of Parlamento.

7.7 Introduci un Management Information System (MIS)

Pa tin un mihor check y balances mester introduci un Management Information System ariba diferente nivel na unda un por controla e otro.

7.8 Fortifica Algemene Rekenkamer y Centraal Accountants Dienst

7.9 Ley pa registra activa y passiva

Lo bin cu un ley na unda un minister, parlamentario y director di departamento y compania estatal mester duna un cuenta di su activa y passiva prome cu accepta e funcion y tur activa y passiva cu wordu aumenta drasticamente mester wordu responsabiliza y investiga.

7.10 Norma di 10% pa proyectonan

Mester bin cu un regla cu proyectonan no mag di surpasa 10% di e costo y tampoco 10% den tempo. Esnan cu ta ehucuta e proyecto lo mester paga un boet si nan surpasa e 10% regla aki.

7.11 Termlimit pa politiconan

Pa preveni cu politiconan bira corrupto mester introduci un term limit. Mas largo un persona keda como un politico mas grandi e chance ta bira cu e por comete actonan corrupto. Un persona no por ta mas cu 6 año como parlamentario y un minister no por ta mas largo cu 4 año un minister.

7.12 Campaña di concientizacion

Nos lo bin cu un campana di concientizacion pa informa tur hende di e importancia cu corrupcion mester wordu preveni y combati y cu lo no tin tolerancia si wordu gara. Emphasis lo wordu duna na e importancia di ethica den gobernacion y e aparatu gubernamental.

7.13 Watermark y digitaliza documentonan

Pa evita falsificacion manera a pasa den entre otro permiso gate y paspoort gate por watermark y digitaliza documentonan ora nan wordu trata door di diferente departamentonan y funcionarionan.

7.14 Un klokkenluiderswet

Nos lo introduci un klokkenluiderswet cu lo proteha y recompensa e klokkenluider di tal manera cu nan no mester traha mas door di duna nan un percentahe di e placa recupera den forma di lumpsum of salario.



8. HUSTICIA Y CRIMINALIDAD

Husticia recto y cuerpo policial correcto

Pa falta di mal maneho den husticia Hulanda a grijp in por medio di COHO y landspakket. Nos por a lesa y tende cu e no ta negociable. Den e dianan nos dilanti lo nos bai mira cambionan grandi den e departamentonan cu ta cai bao di e Ministerio di Husticia. Ministerio Publico lo wordo amplia pa hasi un miho trabou. Asina lo bai tin varios plan pa reorganisa husticia bou guia di Hulanda, danki na e landspakket cu gobierno a firma. For di basta tempo husticia y seguridad ta laga hopi di deseja. Hueznan no ta dicta sentencia manera mester ta y ta midi cu diferente midi. Un Ministerio Publico cu prioridadnan robez. Aruba parce tin un sistema di husticia di clase (klassen justitie). Atraco y ladronicia a para bira algo normaal y ta aumentando dia pa dia. pedofilia, Traficacion di droga, arma y hende ta sigui. Nos tin un cuerpo policial chiquito y no bon ekipa cu Edificacion y muebles bieu cu no ta e mejor circustancia pa traha aden. Nos tin un plan cu lo proteha e ciudadano y mucha no solamente contra atracadornan y ladronan pero tambe contra un sistema inhusto den husticia. Tambe un plan pa e cuerpo policial.

8.1 Nombramento di hueznan

Nos kier hueznan cu ta comprende e cultura y normanan y balornan di Arruba. E sistema actual di nombra un huez no ta tene cuenta cu esaki. Pesey nos kier cambia e sistema con hueznan ta wordu nombra. Cada un huez mester wordu nombra pa Parlamento y lo wordu interviewed door di e comision di Husticia. Si e no pasa e interview aki e no por wordu nombra como huez. E mes un procedura aki mester conta pa nombra un Procurador Generaal.

8.2 Bin cu un corte pa casonan chiquito

Mester bin cu un corte cu ta atende casonan chiquito na unda tin disputonan di sumanan di placa chiquito envolvi. Hopi biah ciudadanonan ta wordu tuma haci door di hende cu keda debe nan pero no ta bai corte pasobra e suma envolvi ta menos cu paga pa un abogado. Un corte separa cu por atende cu e casonan asina ta na beneficio di e ciudadano.

8.3 Bahia ladronicia

Mayoria ladronicia ta wordu cometido door di drogaditonan cu a sali for di KIA. Unabez nan word kita for di caya bo ta nota un bahamento den ladronicia y joy riding. Esaki tin di haci tambe cu salud mental y mester bin mas lugar pa tratamiento. Mester tambe involucra instancianan manera iglesianan pa bin cu un sistema di half way house pa vang nan op.

8.4 Recruta y opleiding pa polis

Aruba no tin suficiente polis ariba caya. Hopi ta bai cu pensioen y no tin otro pa tuma nan lugar. E estudio di polis ta tuma mucho tempo. Nos lo introduci un verkorte opleiding pa polis di 14 luna pa esnan cu un estudio di HAVO of MBO. Di e forma aki nos por haya den corto tempo mas polis ariba caya. Tambe mester mas inspector paso e kader a perde hopi inspector cu a bai traha den otro departamento y tin cu a bai sector priva.

8.5 Mas equiponan moderno

Technologia por yuda un polis den su trabow pero tambe por ta na beneficio di e ciudadano. Body camera y dashboard camera ta necesario. Digitalisa e departementonan di polis pa un mejor servicio y tambe haci e trabou mas eficas. Tambe autonan mester por tin equiponan pa por haya informacion di un vehiculo eynan mes. Por usa drone tambe pa facilita trabow. Camera ariba puntonan strategico tambe por yuda den trabow di polis. Un helicopter ta na su lugar.

8.6 Polis di bario

Mester duna polis di bario su reconecemento. Personal y material pa funciona mejor y lo tin un mejor resultado.

8.7 Digitalisacion di Cuerpo Policial

Mester bin cu un sistema digitalisa pa departementonan pa hasi e trabou di polis mas efficiente. Nan mester tin communicacion cu otro departementonan di gobierno y tambe ngo's

Lo sirbi pa mihora servicio di nos Cuerpo Policial y tambe dune un mihor inImagen.

8.8 Cada departamento cu su budget y funcionamiento

Separar e budget di departementonan pa crea un miho bista con nan gastonan ta. Esaki lo crea un miho maneho y pone prioridad den cada departamento. Lo mester sirbi pa compra di marteriaal pa e departamento. Departementonan mester tin nan empleadonan pa traha mas effectivo. Tur departamento mester haya nan debido atencion.

8.9 Warda di Polis

For di 1987 a basha e warda di polis Oranjestad y supuestamente pa un tempo cortico. Awe den 2021 te ainda no a bin un warda di polis Oranjestad pa seguridad di nos polisnan. A hinca polis den diferente edificio cu no tabata wordo manteni. Esaki a hasi danjo na salud di nos polisnan. Awe no kier promove e polisnan aki pa via cu nan tabata pa un tempo largo malo. Un warda di polis Oranjestad nobo ta un prioridad en bez di huur un lugar pa 100 mil florin pa luna.

8.10 Trahamento di warda

Polisnan cu jega 55 anja lo no traha nachtdienst mas. Lo mester crea puesto unda cu polisnan mester hasi cierto trabao en bez di emplea civilnan. Nan tin conocemento di e trabou di polis.

8.12 Renobacion di warda

Warda di San Nicolaas ta necesario pa wordo renova pa salud di nos polisnan. Mester renoba muebels di cierto wardanan tambe. E ambiente lo stimula nos polisnan pa bin trabao contento.

8.13 Sistema di amber alert

Lo introduci un sistema di amber alert na unda ciudadanonan ta ricibi un signal cu ta pone nan na altura cu por ehempel un fugitivo ta ariba caya, un mucha ta perdi, un sospechoso peligroso

ta gana rond etc. E signal aki lo interumpi transmision di television, radio y telefoon/cellular y internet pa asina tur ciudadano wordu poni na altura di e sosedido.

8.14 Maneho contra pedofiel

Pa proteha e mucha contra pedofiel nos lo: 1. bin cu un sistema pa registra pedofiel 2. un sistema di background check acceso pa tur hende pa sa ken ta registra como pedofiel 3. Un pedofiel no por ta den 100 meter den cercania di mucha of skol 4.Tur pedofiel castiga ta wordo publica den corant y landscourant.



9. IMMIGRACION

Aruba prome

Aruba a yama bon bini na miles y miles di imigrante for di varios pais durante decadanan. A ricibi nan cu un brasa habri y cariño. Hopi di nan a haci Aruba nan cas y a haya yui cu awe nos por yama e Arubiano nobo. mara nos por a sigui tuma mas imigrante. Pero Aruba na e momentonan aki ta sobrepopula y esaki ta consecuencia di un maneho di immigracion hopi habri cu a permiti stranheronan drenta Aruba sin un control adecua. Mara nos por a laga nos frontera habri y tin lugar pa henter mundo pero nos ta un isla chikito cu a yega su maximo capacidad. Lo ta irresponsabel pa haci nada. Nos mester proteha nos fronteranan y cuminsa controla estrictamente ken ta drenta y sali na Aruba. E hecho cu e fronteranan ta hancho habri a causa entre otro ;

1. Sobre poblacion.
2. Un mercado laboral ineficiente na unda Arubianonan y local no por haya trabow.
3. Pata pata di ilegal como 20 mil cu ta causa cheap labor cu na su turno ta un menaza pa e trabow di e trahador y tambe ta causa cu e salario di e trahador no ta subi.
5. Aumento di criminalidad.
6. Gastonan pa gobierno di entre otro skol, caratera etc.
7. Gastonan pa e fondo di AOV y AZV.
8. Menos devisas.
9. Un identidad perdi si sigue asina ya cu sin cambio na 2030 lo tin mas stranhero cu Arubiano ariba Aruba.
10. Mas traficacion y explotacion di hende. Gobierno segun e Constitucion tin e deber di promove oportunidadnan pa terenonan pa vivienda y tambe pa proteha e mercado laboral local, y e seguridad nacional y nos identidad. Pa e razonan ey partido CURPA lo limita e immigracion lo mas hopi cu ta posibel. Partido CURPA lo hiba un maneho di stranheria y admicion hopi estricto. Pesey nos ta contra loke ta para den landspakket pa suavisa e admicion di mas trahador stranhero. Nos ta kere cu esaki lo haci e cosnan peor. Tambe nos lo tuma e medidanan necesario pa combati ilegalidad. Aruba a yega su maximo capacidad y mester traha lugar pa Arubianonan regresa Aruba y tambe pa nos crecimiento turistico.

9.1 Mercado laboral

1. Un paro di permiso di trabow pa 1 año

Nos lo bin cu un paro di inmediato di otorgamento di permiso di trabow pa 1 año Pa investiga e situacion di e mercado laboral local y determina e cantidad di desempleo y cuponan di trabow habri.

2. Introduci un 60/40 regeling

Nos lo bin cu un 60/40 regeling cu ta stipula cu na cada neggoshi mester tin por lo menos 60% trahador local y 40% trahador cu permiso di trabow.

3. Entrega 2 permiso pa haya 1 permiso

Pa baha e cantidad di permiso especialmente na negoshinan cu tin mas cu 40% trahador cu permiso lo bin cu un regla cu pa cada permiso cu wordu pidi e compania mester entrega 2 permiso. E maneho aki lo baha e cantidad di permiso di trabow cu tin actualmente arriba caya cu ta 44% di e mercado laboral y cu lo pasa 50% na 2030.

4. Prioridad na Arubianonan

Prome cu por bin na remarca pa cualquier permiso di trabow e compania mester buska trahador local na un manera official y si no logra den esaki mester purba un intento na e vacaturebank di Arubahuis na Hulanda. Si ainda no logra mester duna preferencia na Antiyano prome y despues hulandes y por ultimo un candidato di otro pais. Companianan di gobierno ta obliga di sigui e procedura aki y mester duna e prome ehempel.

9.2 CAMBIONAN DEN BENEFICIONAN DI PERMISO PA TRABOW:

5. Permiso di trabow pa maximo 3 aña

Nos lo limita e cantidad di permisionan di trabou pa cada trahador na un maximo di 3 aña.

6. No mas AZV pa trahador cu permiso

Trahadornan cu permiso di trabow no por haya cuido medico di AZV. Doñonan di trabow ta wordu obliga di segura nan trahadornan cu permiso den sector priva.

9.3 ILEGAL

7. Un periode di gracia di 6 luna pa ilegal

Nos lo bin cu un campana di informa tur ilegal aki na Aruba cu nan tin 6 luna pa voluntariamente rapporta nan mes pa wordu deporta. Esnan cu no haci esaki y cu ta wordu gara despues di e 6 luna lo wordu deporta y declara persona non grato pa Aruba y lo no por bin Aruba mas tampoco como turista pa un tempo di 5 ana.

8. Boet halto pa sconde ilegal

Nos lo inclui den e LUTV un boet halto na personanan y companianan cu ta facilita esnan cu ta ilegal na Aruba.

9. Tiplijn pa ilegal

Lo bin cu un tiplijn na unda personanan por rapporta ilegal of esnan cu ta facilita ilegal. Lo paga esnan cu a duna e tip cu un recompensa na momento cu e ilegal wordu deporta.

10. Ley pa identificacion

Mester bin cu un ley na unda personanan ta obliga di cana cu un ID pa identifica nan mes si wordu puntra door di. Polis. Lo baha e prijs di ID pa tur hende por tin un ID. E ley aki por combati criminalidad tambe.

11. Cambia articulo 33 di LUTV

Mester pone autoridad di detene personanan ilegal back den man di polis. Mester cambia e ley pa cu esaki.

12. Amplia e responsabilidad di e garantsteller

E persona cu para garantia pa un persona su estadia na Aruba lo wordu poni financieramente responsabel pa tur daño cu e bishitante comete contra otro personanan y companianan.

Introduccion di un waarborgsom cu garantsteller tin cu paga

Lo introduci un waarborgsom cu e garantsteller lo haña bek ora cu e turista regresa su pais promer cu e estadia di turista vence

13. Machine di fingerprint

Lo introduci un machine di fingerprint na airport y waf pa registra tur hende cu drenta Aruba pa evita cu criminal ta drenta Aruba y tambe pa evita ilegal non grato bolbe drenta Aruba.

14. Digitalisacion di permiso di estadia turistico/temporada

15. Introduccion di un sistema di altera na momento cu un permiso turistico vence pa asina duna boet

16. Conecta e sistemanan di DIMAS, Immigracion y Censo pa regularmente controla entrada y salida.

17. Reintroduci Visa pa cierto paisnan.

18. No ta acepta refugiadonan economico pero mas bien lo facilita pa mandanan otro paisnan cu por accepta nan.

Aruba a ricibi hopi immigrantenan pa decadanan largo pero na e momentonan aki nos no tin e capacidad mas. Nos maneho estricto lo percura cu nos tin un bon control di ken ta drenta y sali for di Aruba pa asina preveni problemanan den futuro.

10. ASUNTONAN SOCIAL Y LABOR

Calidad y oportunidad

Den e landspakket Hulanda lo involvi su mes den e asuntonan social y labor di Aruba. Nos ta di opinion cu si Hulanda kier yuda e mester yuda drechi y no manera nan a haci na Boneiro, Saba y St. Eustatius. E calidad di bida mester subi y pobresa mester wordo combati exitosamente.

Desde e epidemia pobresa y problemanan social a subi drasticamente. Como 12 mil hende a perde nan trabou y ta biba ariba 950 Florin pa luna di FASE. Un otro 22 mil ta haya menos salario y ta biba ariba loonsubsidie cu e doño di trabou ta haya cu ayudo di Hulanda.

Varios gruponan den nos comunidad mester haya mas atencion y oportunidad pa bai dilanti den bida y tin un calidad di bida bon mereci. Tur hende no obstante nan situacion tin talentonan y mester haya un oportunidad igual di hasi uso di e potencial aki. Mester yuda esnan pober sali for di e spiraal di pobreza pa asina nan tin un perspectiva nan dilanti. Nos grandinan cu a hasi sacrificio den bida pa Aruba ta na unda e ta awe mester haya e atencion y danki mereci. Esnan cu limitacion fisico mester haya mas oportunidad y tin un calidad di bida mehor. E mercado laboral mester ta proteha y salarionan mester subi sin cu mester di hisa e minimumloon. Si nos situacion social y labor drecha na Aruba nos lo tin un comunidad feliz cu menos problemanan social y menos criminalidad.

10.1 Asuntonan social

A. No mas pobresa

Un gran parti di e pueblo ta pober. Hopi ta biba bou di e liña di pobreza cu en generaal ta 70% di e salario minimo. Nos lo hisa tur ayudo social por lo menos na e suma di 70% di e salario minimo pa asina Aruba oficialmente no conoce pobresa.

B. Subi bijstand

Manera nos a propone na 2017 nos lo hisa e bijstand na 1000 Florin pa luna. No por ta asina cu den e temponan aki bo tin di biba ariba un bijstan di 450 Florin pa luna. Esnan den FASE lo bai over pa e sistema di bijstand. Pero pa e persona haya e bijstand aki e mester traha 3 dia pa siman pe. Di e forma aki ta hisa e perspectiva pa un cobrador di onderstand (bijstandstrekker) haya mas liher cu ta posibel un trabow. Gobierno lo bin cu un sistema na unda bijstandtrekkers por wordu offre un trabow temporal na un instancia of compania pa asina no perde e contacto social y keda activo cu un trabow. Esakinan lo hisa e posibilidad cu un bijstandtrekker por haya un trabow regular mas liher. Di otro banda gobierno por haya placa di e compania pa cubri parti di e gastongan di e bijstand.

C. Mas beneficionan pa nos hendenan cu limitacion fisico

Ningun hende kier ta den e posicion di tin un limitacion fisico y nos mester hisa e calidad di bida di esnan cu pa un of otro motibo ta haya nan mes den e situacion aki.

Nos lo:

1. Hisa e bijstand di handicap pa salario minimo.
2. Pa esnan cu limitacion fisico e sistema di taxi comparti lo ta gratis.
3. Esnan cu limitacion fisico tampoco lo mester paga impuesto di salida di Airport.
4. Bin cu reglanan pa negoshi pa haci nan negoshi mas accesible pa esnan cu limitacion fisico.
5. Subsidia homescholing pa muchanan special.
6. Mas subsidio pa organizacionnan cu ta yuda esnan cu limitacion fisico.

D. Nos grandinan nos tesoro

Nos grandinan lo haya hopi atencion y beneficionan bon mereci.

1. Lo introduci un sistema di taxi comparti (deeltaxi) cu nan por usa subsidia parcialmente door di gobierno.
2. Nos grandinan lo no paga impuesto di salida mas na Airport.
3. Nos grandinan cu tin pensioen di trabou solamente lo paga e werknemersbijdrage di AZV. Tambe nan lo tin e opcion di seperate heffing di belasting.
4. Nos lo baha edad di pensioen di 67 pa 62 año.
5. Lo stimula trahamento di cas pa anciano via mercado liber cu lo mester cumpli cu reglanan di bon cuido. Casnan pa ancianonan actual cu no ta cumpli cu reglanan di bon cuido lo wordu sera.
6. Nos grandinan lo haya prioridad den cuido medico.
7. Mas subsidia pa instancianan manera kibrahacha y Cas Marie pa asina tin mas actividad pa nos grandinan.

E. Hoben

Hobenan den problema mester haya mas atencion y mester bin cu mas actividad pa nan den oranan liber door di entre otro renoba centro di bario y hasi esakinan accesible pa hobenan, rehabilitacion pa hobenan problematico y bin bek cu fundacion desaroyo educacional communitario (FDEC). Tambe lo mester bin cu mas programa pa evita embarazo hubenil.

10.2 Labor

A. Un ley laboral flexibel

Cada trahador tin e derecho di traha cuanto ora cu nan kier. No ta tarea di gobierno di mete den e cantidad di ora cu un trahador kier traha. Si e kier traha mas ora e mester por haci esaki. Nos lo cambia e leynan di tal forma cu e trahador ta dicidi cuanto ora e ta traha.

B. Reintegra bijstandstrekkers, ex preso y esnan cu limitacion fisico den mercado laboral

Partido CURPA lo bin cu incentivos pa negoshinan cu suma den servicio hendenan cu ta pa largo tempo den bijstand, ex presonan y esnan cu un limitacion fisico. Nos ta kere cu e gruponan di personanan aki lo ta bon trahadornan pa e doño di trabow sin nan haña e oportunidad.

C. Amplia cursonan pa Enseñanza di Empleo

Mas cursonan pa ofishi specifico di corto tempo na unda tin un necesidad den e mercado.

11. AGRICULTURA, CRIA DI BESTIA Y PESCA

Aruba ta produci

Aruba ta depende mucho ariba cuminda for di exterior. Nos mester sali for di e dependencia aki y cuminsa produci mas nos mes un cuminda. Pesey nos lo stimula plantacion di berdura y fruta, habri e mercado di pesca y cuminsa cria mas bestia pa asina nos tin nos mes un cuminda. Durante e epidemia nos por a wak con vulnerable nos ta. Si nos no prepera awor cualquier crisis mundial di un magnitude mas grandi cu e epidemia di covid-19 lo tin effectonan catastrofe pa Aruba.

11.1 Stimula agricultura rond di Aruba

Nos lo stimula agricultura ariba tres nivel:

A. Nivel macro

Aruba tin hopi huurterreinen cu destino agricultura cu no ta wordu usa pa e meta ey. Nos mester cuminsa tuma e terenonan ey bek den beslag y cuminsa hasi agricultura di berdura y fruta.

B. Nivel meso

Nos lo bin cu un programa pa stimula agricultura na casnan cu tin un tereno te cu 5 mil meter cuadra. Lo stimula pa drecha of construi rain balk pa warda awa aden.

C. Nivel micro

Lo stimula y guia casnan pa planta nan propio cuminda. Por usa un sistema hydroponic pa cu esaki cu no ta rekiri hopi awa, nada di tera y por logra un cosecha rapido.

11.2 AWA

Na Aruba awa no ta yobe suficiente y henter ana pa haci plantacion grandi. Mester wak e posibilidad di usa reverse osmosis di awa di lama combina cu un tratamiento mineral pa tin awa pa plantacion ariba nivel macro y meso.

11.3 Green house

Mester usa mas tanto posibel green houses pa plantacion. Cu un green house bo plantacion ta mejor proteha. Mester bin cu programa special di construcion di green houses.

11.4 Educacion

Tambe ta importante pa educa e muchanan for di tempran di e importancia di agricultura y lo bin un les special pa cu esaki na skolnann.

11.5 Habri e mercado di pesca na Aruba

Nos lo kita tur restriccion pa pisca y tur forma di pesca lo ta permiti manera canasta. Lo duna subsidio pa medio di belasting na esnan cu kier bira un piscador. Tambe mester wak e posibilidad di bin cu un barco grandi di pisca y asina crea un centro di pesca cu e posibilidad pa exportacion. Aruba mester di mas pisca na un prijs razonable. Pisca ta saludabel tambe pa come.

11.6 Cria di bestia pa nos mes un carni

Huurterrein cu destino pa cria di bestia y cu no ta wordu usa pa esey mester wordu tuma back. Mester prepara e terenonan pa cria di bestia contra cacho y otro bestianan cu ta un peliger. Lo mester importa bestianan di calidad pa cuminsa e proceso di multiplica rapido. Por pensa ariba baca y carne. Cu bacanan nos por cuminsa produci nos mes un lechi fresco. Tambe lo mester expande e abattoir pa asina mas bestia por wordu procesa.

En combinacion cu agricultura e bestianan por haya nan cuminda y alabez e tereno lo wordu fertiliza automaticamente door di e mes un bestianan cu ta come restu di e cosecha.

11.7 Implimenta tarifa y limitation riba importation di webo blanco

Door di bin cu e maneho aki nos ta duna e productor local di webo un fair playing field, un oportunidad igual pa competi riba mercado local.

Nos ta kere cu ta hopi importante pa Aruba tin su mes un cuminda nan y no depende di otro paisnan. Cu nos maneho nos lo produci nos mes un cuminda pa nos poblacion na un prijs mas barata, organico y saludabel. A bira tempo pa Aruba produci!

12. OBRANAN PUBLICO Y MEDIO AMBIENTE

Conserva naturalesa cu progreso

Partido CURPA lo pone atencion ariba San Nicolaas pa loke ta su desaroyo infrastructural. Den e Mega proyecto San Nicolaas and beyond nos lo crea un proyecto infrastructural cu ta sali di San Nicolaas te cu Faro Blanco. Un proyecto cu lo trece desaroyo economico cune y cu te hasta por wordu mira como e tercer pilar economico. E Mega proyecto lo wordu financia via di un **Public Pueblo Partnership (PPP)**. Den un proyecto infrastructural di PPP bo ta lanta conhuntamente cu stakeholders y pueblo un N.V. Na unda cada partner lo inverti placa pa desaroya un proyecto infrastructural. Den e caso di e Mega proyecto San Nicolaas and beyond gobierno lo participa cu maximo 10% den e N.V. Unabez e proyecto keda cla entrada lo drenta pa e N.V. Na unda cu e diferente stakeholders por haya nan dividendo. E construccion aki ta e berdadero significacion di un proyecto PPP.

Pa loke ta trata medio ambiente mas y mas Aruba ta perde naturalesa. Construccion tur caminda y otorgamento di tereno pa loco pa fabor politico. Si sigui asina no ta keda mucho mas naturalesa cu no ta Arikok. Dump ilegal tambe ta sigue destrui nos naturaleza y nos dump actual ta un peliger pa nos salud y naturalesa. Aruba tin ainda sushidad di tur sorto ariba tera y den lama. Partido CURPA kier un naturalesa balancia pasobra si nos sigui horta for di naturalesa ta yega un dia cu naturalesa ta bin cobra bek loke nos a kita for di dje y nos tin di preveni esaki.

12.1 Mega proyecto San Nicolaas and beyond

E Mega proyecto San Nicolaas and beyond lo consisti di lo siguiente.

1. Un teriferico for di Colony te cu Faro Blanco (via Noordkust) cu un paro na Arikok. Esaki lo bira un atraccion turistico grandi cu lo stimula e economia di San Nicolas tambe.
2. Mudamento di algun cruise ships pa San Nicolaas. Esaki lo stimula e economia den 1 luna di tempo y pone San Nicolaas ariba mapa internacional di cruise ship itenary.
3. Construccion di un planta di recycling cu lo recycle e sushi grof di Aruba den otro producto of exportacion.
4. Un servicio di fast Ferry di pasahero y cargo (no auto).

12.2 Otorgamento di tereno

A. No mas permiso pa traha hotel, apartamento y condeminium

Lo no duna permiso mas pa construccion di hotel, apartamento y condeminium.

B. Dunamento di tereno segun prioridad

Lo cambia e reglanan pa duna terreno erfpacht.

1. Prioridad na esnan cu tin mas tempo inscribi.
 2. Esnan cu nacionalidad Hulandes
 3. Esnan sin nacionalidad Hulandes no ta bin na remarca pa terreno erfpacht.
- C. Mas terreno pa agricultura

Lo duna mas huurterrein pa haci agricultura of remedii di tera legal. Huurterrein actual cu no ta wordu usa pa agricultura lo wordu tuma back.

D. Mas zebrapad

Nos lo pone mas zebrapad especialmente na tur skina di tur rotonde. Hopi hende a perde nan bida pa motibo di kier a cruza na un rotonde.

E. Reglanan pa area residential

Mester wak e posibilidad pa bin cu reglanan pa area residential. Actividad economico no mester tuma lugar den area residential y tambe area residential mester mantene nan mes na reglanan cu lo percura cu un area residencial ta keda netjes.

F. Regula fluho di awa para

Varios bario tin problema cu awa ora awa cero yobe. En coperacion cu Hulanda lo construi na diferente caminda unda e awa ta keda para molinanan cu ta saca e awa y manda esaki pa lama. E molinanan por fungi tambe como atraccion turistico.

12.4 Medio ambiente

A. Para creacion di dump ilegal

Tin como 35 dump ilegal na Aruba. Un dump ilegal ta wordu crea door di hendenan y companianan cu ta saca santo y graniet pa bende. Proyectonan grandi manera green corridor, hospital, Watty Vos Blvd y hotel tawata rekeri hopi pero hopi santo y graniet y terenonan ta wordu coba pa saca e santo y graniet pa wordu bendi. Partido CURPA no lo permiti esaki mas y lo prohibi cobamento di tereno pa saca santo y graniet na cantidad grandi. Proyectonan grandi cu mester di hopi santo y graniet lo mester importa esaki for di exterior. Tambe lo pone esnan cu ta coba tera paga pa pone un dump ilegal back na su estado origin. Nos lo sera e dump di Parkietenbos cu ta procesa tur tipo di sushi. E sushi accumula lo wordu exporta pa islanan cu tin e facilidad pa procesa e sushi.

C. Separar sushi di cas y sushi grof

Nos lo bin cu un maneho pa separa e sushi di cas for di e sushi grof. Un planta lo procesa e sushi di cas y nos lo hasi un destache publico pa bin cu un planta di recycling na San Nicolaas cu lo procesa e sushi grof manera bleki, boter, hero, palo etc. Serlimar lo bin busca na tur cas na Aruba 1 biaha pa siman fuera di e sushi di cas e sushi grof tambe. E por bira asina cu prome cu e sushi grof wordu busca otronan por pasa colecta cierto cosnan cu por wordu re-usa. E planta di recycling por procesa e sushi grof y traha otro productonan di esey of export esakinan.

D. Introduccion di statiegeld ariba bleki y boter

Lo bin cu un statiegeld ariba bleki y boter. Ora e cliente hiba e boter of bleki back na su lugar di preferencia e lo haya su statiegeld back. E negoshi na su turno lo entrega esaki na e planta di recycling. Di e forma aki Aruba lo bira mas limpi y e productonan por wordu recycled.

E. No mas permiso pa traha hotel y condominum

Lo bin cu un moratorium pa trahamento di hotel y condominium. Mas naturalsesa ta bai na proyectonan asina y esaki mester stop.

F. Baha impuesto ariba auto electrico y LPG


Lo baha impuesto esta ivoerrechten ariba auto electrico y auto LPG (gas). Ambos tin un efecto positivo grandi ariba medio ambiente.

G. Energia alternativa saludabel

Windmolen ta malo pa salud y ta tuma hopi espacio. Zonnepanellen ta bunita pero caro y ta solamente esnan cu placa ta disfruta di dje. Nos lo kier wak e posibilidad di crea corriente cu e olanan di lama pa Noord di Aruba. E technologia aki ta limpi y por reduci e prijs di corriente tambe.

H. Leynan pa proteha nos flora y fauna

Nos mester proteha nos flora y fauna y nos lo bin cu un ley cu lo proteha cierto matanan y fauna denlama. Lo no duna mas permiso pa watersport tambe.



13. ENSEÑANZA

Enseñanza cu ta conecta

Triesto pa bisa pero aki tambe Hulanda via di e landspakket lo interveni den enseñansa. Durante e ultimo añan tawata tin mal maneho. Constant tawata tin conflicto cu e minister y maestronan. Varios maneho di e minister a wordo revoka door di su mes un gobierno. Durante e epidemia tawata tin un chaos y skolnan a keda mucho largo cera. Ainda enseñanza no ta esun di mas mejor. E calidad no ta bon y tampoco adapta na desaroyonan internacional. Hulanda a tuma nota di esaki y via di e landspakket lo interveni den maneho. Studiantenan ta falta attencion y ora caba skol ta haya nan cu problema den nan estudio avansa. Nos mester hasi cambionan structural den nos enseñanza pa asina adapta na e situacion di e estudiante y desaroyonan internacional. Ensenansa mester conecta arriba tur nivel. Mas edificio di skol, mas krijt y potlood so no ta e solucion y nos ta kere cu menos placa bo por hisa e calidad di enseñanza tambe.

1. Introduci horarionan flexibel na skol

Un estudiante ta haya mas atencion si e klas ta mas chiquito y asina e calidad lo subi. Un manera di hasi e klas mas chiquito ta pa introduci un rooster flexibel na unda e estudiante mester por haya e oportunidad di scohe si nan kier sigue les parti mainta of atardi. Esaki tin diferente beneficionan pa e estudiante y tambe gobierno. Tin mucha ta funciona mihor mainta y otro atardi. E klas tambe lo bira mas chiquito di e forma aki na unda studiantenan ta haya mas atencion di e maestro. Tambe lo hasi uso di e edificio di skol na su maximo y no tin necesidad pa gobierno traha mas edificio di skol. Naturalmente lo cuminsa cu un pilot study pa wak con e ta bai den practica pa despues implementa e structura nobo.

2. Tablet den klas

Hopi skol rond di mundo ta usa tablet den klas. Na 2017 nos a pone den nos programa y si esaki a wordo implementa problemanan durante e epidemia lo tawata menos. Bo por haya tur buki ariba un tablet cu ta significa menos placa pa e boekenfonds pa ambos banda y tambe menos cargamento di boeki pisa den tas. Pa gobierno tambe e gastonan di busca buki lo baha. Muchanan special tambe por integra den klas ja cu tin varios opcion ariba un tablet cu por yuda nan sigue les normaal. Door di introduci tablet den klas studiantenan ta mas up to date y prepara pa sigui despues nan estudio den exterior. Naturalmente lo cuminsa cu un pilot study prome cu implementa tablet den enseñanza.

3. Evalua maestronan

Maestronan mester por wordu evalua pa garantiza calidad. Resultado y evaluacion door di estudiante hundo mester por duna un indicacion si e maestro ta duna les di calidad. Maestronan mester wordu poni responsabel pa e resultado di su dunamennto di les.

4. Opcion pa home schooling

Mayornan mester por haya e opcion pa nan yui haya les na cas. Estudionan ta mustra cu homeschooling ta hisa e calidad. Tambe pa muchanan special esaki ta un opcion atractivo.

5. Introduci tweetalig onderwijs TTO den ingles y Hulandes.

6. Introduci beca pa studentenan

Gobierno mester ofrece beca na studentenan cu kier sigue un estudio special na unda tin un scarcidad den mercado laboral. Esaki lo bin cu exigencianan y conforme reglanan obhetivo.

7. Muebleria

Skolhan mester haya mueblenan necesario manera airco, stoel y mesa pa e studiante por sinti su mes mas confortabel.

Nos maneho lo hisa e calidad di enseñanza cu lo percura cu e cantidad di drop outs lo baha y cu e studiante ta conecta mejor cu e maestro, skol avansa, situacion personal, trabou y desaroyonan internacional. Cu otro palabra un enseñansa conecta.



14. TRANSPORTE Y MEDIA

Mobilidad y un Aruba informa

Transporte den Aruba y for di Aruba ta caro y no tin mucho opcion. Hopi ciudadano no tin transporte pa motibonan personal y otronan no tin placa pa paga pa transporte. Fuera di Aruba prijsnan pa viaha pa exterior ta hopi caro compara cu otro paisnan.

Un pueblo bon informa ta hopi importante. Tin hopi fake news y media compromenti cu cierto partidonan politico cu ta manipula informacion. Media mester wordo usa pa informa hende no manipula hende.

14.1 Transporte

1. Nos lo bin cu un aeroliña nacional

Den pasado nos conoce Air Aruba, Tierra Air y awor Aruba airways. Tur ta pretende di ta e aeroliña nacional pero tur a fracasa pa e motibo di mal manejo, corrupcion y propietarianon Venezolano. Nos mester sinja nos les di esey y lanta nos propio aeroliña Nacional na unda e shareholders no ta di Venezuela pero den man di e pueblo via un Public Pueblo Partnership. Cu nos propio aeroliña prijsnan lo baha y aliansa strategico por wordu crea.

2. No mas permiso pa taxi y autobus

Nos no lo otorga mas permiso pa taxi y autobus. Tin suficiente y mester stop cu e patronaje politico di duna permiso pa fabor politico.

3. Sistema di taxi comparti (deel taxi)

Nos kier introduci un sistema di taxi comparti pa esnan ariba 60 año y esnan cu tin un limitacion fisico y cu no por corre auto. Gobierno lo subsidia un parti di e viahe. Nos tawata tin e sistema aki poni den nos programa di 2017 y si a wordo implementa e lo a yuda masha hopi mes durante e epidemia. E sistema aki lo crea mas actividad economico ja cu hopi biaha taxi ta keda para pa basta tempo pa haya biahe. Taxi por haya mas trabow den oranan cu ta keto y esnan cu mester di transporte pa hasi nan diligencia por hasi usa di e sistema di taxi comparti. Win win win pa e taxi, cliente y economia.

4. Servicio di fast ferry

Manera nos a pone den nos plan na 2009 nos kier bin cu un servicio di fast ferry. Esaki lo ta limita na pasehero y cargo y no auto. Den nos plan original esaki lo a Sali for di Barcadera pero awor nos lo Sali e ferry for di San Nicolaas creando asina mas actividad economico pa e pueblo di San Nicolaas. Un servicio di fast ferry lo baha e prijs di transporte cu avion. E proyecto di fast ferry mester wordo fiansa door di e structura di Private Pueblo Partnership.

5. Baha impuesta di salida

E impuesto di salida pa viahenan den Reino hulandes lo baha pa \$20 pa cuidadanonan di Aruba. Pa esnan ariba 60 aña y personanan cu limitacion fisico no lo paga impuesto di salida pa cualquier viahe pa cualquier destinacion.

6. Boet pa retraso di avion

Si un aerolina tin retraso di mas cu 3 hora e lo tin di paga un boet na e pasahero.

14.2 Media

1. Internet gratis ariba speed di 2G ariba henter Aruba

Internet ta un media di comunicacion hopi importante y mester ta accessible pa tur hende. Nos lo introduci internet accessible pa telefoon cellular cu speed di 2G ariba henter Aruba. Aunke e speed no ta liher e pueblo por tin acceso na su email, web browsing y social media. Hopi pais den mundo ta ofrece esaki caba y ta bira tempo cu Aruba tambe ta ofrece esaki.

2. Moratorium ariba radio y corant

Aruba ta un isla chiquito y ya caba tin monton di radio y corant. Nos lo pone un moratorium pa dunamento di permiso pa lanta un radio of bin cu un corant.

3. Decencia den media

No tin decencia den media manera radio, corant y social media. Nos ta kere den expresion di libertad di papia pero e no mester bai cu palabranan malo y insulta. Pesey DTZ lo wordu instrui estrictamente pa monitor tur progamma di radio, tv y tambe contenido di corant. Si no tin decencia e radio, tv of corant lo perde nan permiso. Tambe lo bin cu ley pa pone decencia ariba social media y lo persigui esnan cu insulta hende ariba internet. Ministerio publico mester pone hopi atencion na esaki E pueblo tambe por manda un tape graba pa DTZ cu ta wordu obliga di duna boet na radio y si ta sigue te hasta kita permiso di e radio.

4. Partidonan politico cu ta participa na eleccion mester haya 15 minuut pa siman di airtime gratis na TV y radio. Tambe 2 articulo pa siman por wordo publica gratis den corant.

5. Mas programma educativo

Un pueblo mester wordu informa. Tele Aruba e canal di television di pueblo mester tin programmanan informativo pa e pueblo. Pa tur categoria di edad.

6. Tele Aruba N.V.

Tele Aruba mester wordu saca for di Setar. Mester produci mas programma profesional local y traha hundo cu otro islanan den un aliansa strategico pa ofrece mas programmanan cu ta na agrado di e pueblo televidente. Ban haci Tele Aruba e canal di pueblo.

15. RESUMEN

Ban transforma Aruba

E solucionan presenta den e programa aki solamente por wordo realisa si e votador manda AVP y MEP oposicion. Si esey no ta e caso Hulanda lo impone su maneho ariba Aruba y cualquier signatura di gobierno su man lo ta mara. Nos ta kere cu e eleccion di 25 juni 2021 ta bai ta esun mas importante den Aruba su historia. Si no transforma e sistema politico pa crea un fundeshi politico nobo hamas Aruba por construi un cas nobo y tur maneho lo ta envano, cu of sin Hulanda su ayudo. A bira tempo pa e panaramo politico cambia y Aruba haya un aire fresco. Ban transforma Aruba na bo beneficio.

FUNDESHI POLITICO NOBO - Transformacion di politica

Nos mester transforma e sistema politico pa por tin un fundeshi politico nobo. E fundeshi politico nobo mester consisti di partidonan y politiconan cu nunca antes a goberna. Sin un fundeshi politico nobo tur maneho lo ta envano. Nos lo cambia e constitucion pa inclui un sistema di referendum na unda e pueblo ta laga sa su pensamento ariba cierto topiconan. Gobierno mester ehecuta e referendum obligatoriamente. Mester cambia leynan electoral pa tin un mejor representacion di pueblo den parlamento. E prome 21 candidatonan ariba tur lista cu mas voto ta dreinta parlamento y si un bira minister esun cu mas voto den partido. Mester bin cu term limit pa politico

AUTONOMIA Y STRUCTURA ESTATAL - No na COHO y NO na landspakket

Si AVP y MEP wordo manda oposicion lo NO tin COHO y landspakket mas. Si partido CURPA haya e honor di forma parti di gobierno, sea cu AVP of MEP, nos lo kita e medidanan poni den e landspakket. Aruba mester recupera su autonomia cu gobierno a entrega na Hulanda. Nos futuro relacion den Reino mester haya un bachi nobo den forma di un aliansa strategico. Den un aliansa strategico nos ta cera cabez hunto pa confronta retonan y oportunidadnan den nos caminda ariba un manera mas efectivo. Individualmente como pais nos por logra mas si nos cera un aliansa strategico den Reino Hulandes.

ECONOMIA Y TURISMO - Nos ta e solucion

Nos lo pone placa cu ta drumi na banco circula den e economia door di laga stakeholders y pueblo inverti den varios NV cu ta wordo lanta pa desaroya proyectonan exitoso y cu ganashi. Nos kier cuminsa cu 4 proyecto: 1. teriferico for di baby beach pa lighthouse cu un paro na arikok. 2. un Aruba tourism NV cu lo mercadia y promove turismo 3. un fabrica di recycling y 4. fast ferry. Nos lo crea un pilar economico nobo di remede di tera legal cu ayudo di AZV. Nos lo baha e impuesto di ganashi pa 15% esaki lo stimula companianan pa inverti mas placa den nan compania. Nos lo bin cu un sistema di belasting di 3 tarifa na unda bo ta paga 5%, 15% y 30% cu ta wordo aplica segun bo entrada despues di kita e belastingvrije voet di Afl. 28861. E sistema nobo di belasting di 3 tarifa lo pone mas placa den e cartera di e ciudadano y e negoshi chikito subiendo asina e poder di compra y grado di inversion cu na su turno lo stimula

e economia. Lo stimula exportacion y nos lo introduci un impuesto di ganashi di 7.5% pa bentanan hasi via di E-commerce. Lo bin back cu un tax holiday pa companianan nobo cu inverti un cierto suma y cantidad di cuponan di trabow professional. Pa pone turismo back ariba su pia nos lo crea un Aruba Tourism NV na unda e accionistanan ta stakeholders y pueblo den forma di un public pueblo partnership. The best of the best lo ta uni pa crea un synergia y politica ta keda afor. Lo crea un regulatory body di turismo cu lo ta encarga cu leynan y permisionan ariba tereno turistico y cu ta representa gobierno den e sector di turismo. Door cu e pueblo ta uni hunto den un Public Pueblo Partnership nos ta bai ta e solucion pa pone Aruba su economia y turismo back ariba pia. Nos maneho economico y turismo lo crea hopi cuponan di trabou.

FINANSAS PUBLICO - Bahá gasto, bahá debe y traha dam

Nos lo baha e debe monstroso cu gobiernonan anterior a crea anto SIN bin cu medida. Nos lo balancia e presupuesto na 2022 pa dilanti y negocia cu e fiadornan condicionan mas favorabel y un kwijtschelding parcial di debe pa asina despues consolida e debenan den 1 solo debe na un interest mas abow. Nos lo baha e gastonan di e presupuesto pa loke ta trata viahenan di politiconan, huurmento di edificio, servicionan di consultant y goederen en diensten. Sin kita ambtenaar nos lo baha e gastonan di e aparato gubernamental door di entre otro baha e cantidad di minister di 8 pa 7, limita e cantidad di coordinador pa cada minister na 10, saca nombramento y promocion for di man di minister, independiza tareanan, automatisa y digitalisa cierto tareanan y un areglo di VUT lucrativo di 5 ana. Sin bin cu medida nos lo trece mas placa den e caha di governo door di entre otro e diferente structuranan di public pueblo partnership, e pilar economico nobo di remedii di tera, mas loonbelasting door di mas cuponan di trabow y salarionan mas halto door di sera e fronteronan y mas entrada di dividendo y 80 Miyon di Tourism levy tax cu mester bai den caha di gobierno.

SALUBRIDAD PUBLICO - Bo salud no tin prijs

No tin cortamento den cuidado medico. Nos lo baha e tempo pa warda pa un cita cu un specialista door di bin cu mas specialista. Nos lo habri e mercado pa mas clinica cu por baha e lista di espera pa un test y operacion. Lo amplia e pakket di AZV cu remedean di tera produci na Aruba, tratamiento alternativa, bril y diente, segundo opinion medico y un seguro di biahe pa gastonan medico inespera cu un cliente por haya su mes aden den exterior. Mandamento di patient den exterior lo ta den Reino Hulandes y no Colombia. Medicinan cu hasi fout cu patient por perde nan licencia y ta wordo poni civilmente responsabel. Dokter di cas mester tin cierto equiponan den nan oficina cu por detecta si un patient tin un cierto problema. No ta permiti euthanasia scondi. CURPA no lo corta den cuidado medico pasobra bo salud no tin prijs. Nos ta pro choice pa e covid-19 vacuna. No lo obliga esaki ariba ningun ciudadano. No ta permiti pa companianan exigir un persona ta vacuna pa haya un trabou, drenta nan edificio y haya servicio. Lo cambia e PCR test pa un anti gen test na aeropuerto y residentenan no tin di paga pa esaki.

ANTI CORRUPCION - Pensa dos biaha

E piscanan grandi mester wordu gara y sera den prison pa asina duna ehempel cu corrupcion no ta wordu tolera. Nos mes no por investiga nos mes ya cu e corrupcion a penetra riba diferente nivel. Lo bin cu un instancia internacional manera Transparency International pa investiga

casonan corrupto. Politiconan y directornan di departementonan y compania di gobierno mester presenta nan activa y passiva prome cu nan tuma nan encargo. Manera drenta Parlamento CURPA lo usa e instrumento di Parlamentaire enquête pa investiga proyectonan corrupto. Lo cambia leynan pa bin mas check y balances y pa sera buraconan cu ta hasi posibel cu actonan corrupto ta wordu cometi. Nos lo introduci un "Klokkenluiderswet" na unda actonan corrupto por wordu denuncia anonimamente y cu proteccion y compensacion pa esnan cu hasi e denuncio. Mester hasi tambe cambionan den ley pa loke ta e procedura pa entrega keho na ministerio Publico. Lo bin cu un asina yama "term limit" pa politiconan pa evita cu politiconan ta keda mucho tempo den Parlamento y gobierno pa asina nan no cai den tentacion di corrupcion. Cu nos maneho anti corpcion bo lo pensa dos biahia prome bo kier comete un acto corrupto.

HUSTICIA Y CRIMINALIDAD - Husticia recto y cuerpo policial correcto

Nos lo exigi hueznan y fiscalnan cu conoce nos normanan y balornan y cu lo wordu nombra pa Parlamento. Lo bin cu un corte cu ta atende casonan chikito na unda tin disputonan di sumanan di placa chikito involvi. Lo mester bin mas equiponan moderno pa polis por traha mejor manera body y dashboard camera. Tambe lo bin cu mas polis door di introduci un verkorte opleiding pa polis di 14 luna cu tin diploma HAVO/MBO como requisito pa drenta. Esaki lo baha criminalidad. Polis di bario mester haya mas personal y material. Lo proteha e mucha contra pedofiel door di regista pedofiel, un sistema publico di ackground check, pedofiel no por ta 100 meter den circania di mucha y skol y tur pedofiel ta wordo publica den corant y landscourant. Edificio di polis mester wordo drecha incluyendo muebles. Lo bin cu un sistema di amber alert na unda cuidadanonan ta wordu alerta di inmediato di criminalnan peligroso cu ta gana rond of muchanan cu ta perdi.

IMMIGRACION - Aruba prome

Aruba a yega su maximo capacidad y ta sobrepopula. Pa 1 año lo no duna permiso di trabow pa asina hasi un investigacion di e mercado laboral local. Lo bin cu un maneho pa deporta ilegal cu cu un periodo di gracia di 6 luna. Lo tin un control estricto di ken ta drenta y sali for di Aruba. Mester prepara lugar pa e Arubianonan cu kier regresa y turistanan cu kier bin Aruba. Aruba ta sobrepopla y nos maneho lo percura cu esaki no bai for di man. Lo hasi Aruba menos atractivo pa trahadornan stranhero door di limita e beneficionan. Pa hopi temp nos a yama bon bini na henter mundo pero a bira tempo pa pone Aruba prome.

ASUNTONAN SOCIAL Y LABOR - Calidad y oportunidad

Tur ayudo social mester wordu hisa pa 70% di e salario minimo. Nos grandinan mester haya mas beneficionan y atencion. Lo introduci un sistema di taxi comparti pa nos grandinan y esnan cu limitacion fisico. Tambe lo no cobra impuesto di salida pa nan. Nos grandinan cu tin un pensioen di trabow solamente ta paga e werkneversbijdrage di AZV y nan por scohe pa 'seperate heffing' ora entrega impuesto. Edad di pensioen lo baha pa 62.5 ana. Bijstand lo subi pa 1000 Florin pa luna pero lo tin di traha 3 dia pa siman pa esaki. Esaki lo hisa e perspectivanan pa un trabou. Nos lo bin cu un programa pa reintegra hendenan cu pa hopi tempo ta cobra bijstand, ex-presos y esnan cu limitacion fisico den e mercado laboral por medio di incentivonan pa e doñonan di trabow. Ayudo social pa esnan cu limitacion fisico lo wordu hisa pa salario

minimo. Lo bin cu mas actividad pa nos hobenan despues di skol. Nos lo renova tambe tur centro di bario y hasi esakinan accesible pa tur hobennan. Ta importante pa hisa e calidad di bida y crea oportunidad pa progresar den bida.

AGRICULTURA, CRIA DI BESTIA Y PESCA - Aruba ta produci

Nos mester produci nos mes un cuminda y lo stimula agricultura ariba nivel macro, meso y micro. Tereno di huur cu no ta wordu usa pa agricultura of cria di bestia lo wordu tuma bek pa asina cuminsa cu agricultura y cria di bestia. Lo introduci greenhouses na skol pa muchanan cuminsa sina na edad jong di e importancia di agricultura. Nos lo habri e mercado di pesca pa asina esnan interesa cu ayudo di gobierno por bira piscador. Cria di bestia tambe ta importante y lo importa bestia di calidad manera baca y carne pa tin sufficiente carne y lechi pa nos pueblo. Lo stimula uso di sistema hydroponic y studia e posibilidad pa converti awa di lama pa plantacion usando reverse osmosis. A bira tempo pa Aruba produci.

OBRANAN PUBLICO Y MEDIO AMBIENTE - Conserva naturalesa cu progreso

Nos lo bin cu un Mega proyecto pa San Nicolaas and beyond cu Lo boost e economia di Aruba en general y esun di San Nicolaas en specifico. Lo bin cu un servicio di teriferico for di San Nicolaas pa farro blanco cu un parada den Arikok. E planta di recycling di sushi grof lo bin na San Nicolaas. Tambe lo manda algun cruise ship pa San Nicolaas y bin cu un servicio di fast ferry di cargo y pasahero. Lo bin cu molina cu lo yuda alivia e problematico di awa cu ta keda para ora awa yobe. Tur rontonde lo haya den tur skina zebrapad. Pa loke ta medio ambiente Nos lo separa e sushi di cas for di e sushi grof y laga 1 planta procesa e sushi di cas y e otro e sushi grof. Lo sera Parkietenbos y lo cuminsa exporta e sushi pa wordu procesa den exterior. Serlimar lo recohe sushi grof 1 baha pa siman pa asina wordu hiba pa e planta di recycling. No lo permiti companianan coba burraconan pa bende graniel y santo pa proyectionan grandi pa evita mas dump ilegal. Pa crea un Aruba limpi y pa recycling lo introduci un asina yama statiegeld ariba boter y bleki na unda e consumidor lo haya e placa aki back ora entrega e boter y bleki. Lo baha invoerrechten pa autonan electrico y LPG. No mas molina di biento y un morotorium ariba trahamento di hotel, apartemento y condo.

ENSEÑANZA - Un enseñansa conecta

Nos lo introduci enseñanza flexibel na unda e studiante por scohe si e kier sigue les mainta of atardi. Lo introduci tablet na skol pa entre otro baha gasto di boeki, hisa calidad y keda altante di desaroyonan nobo. Maestronan mester wordu evalua conforme criteria objetivo pa e calidad di les cu nan ta duna. Unabez cu e calidad subi e drop outs lo baha y mas atencion por wordu duna na e grupo aki. Nos lo introduci e opcion di "homeschooling" y gobierno lo cubri e gastonan pa cu esaki pa e muchanan special. Lo bin back cu un beca pa studentenan cu ta sigui un estudio avansa cu tin escasez den dje den e mercado laboral na Aruba. Skolnan cu mester renovacion lo haya esaki y lo adapta klas na e necesidad di studiante. Lo introduci TTO na hulandes y ingles. Cu un enseñansa conecta e studiante lo tin mas exito.

TRANSPORTE Y MEDIA - Mobilitad y un Aruba informa

Nos lo bin cu un arolina nacional y un ferry service di cargo y pasahero. Tambe lo aloca algun cruise ship na San Nicolaas. No lo wordu duna mas permiso di taxi y lo introduci un sistema di

taxi comparti pa nos grandinan y esnan cu limitacion fisico. Impuesto di salida na airport lo baha. Pa viahenan den Reino esaki lo bira \$20. Pa nos grandinan y esnan cu limitacion fisico lo no tin impuesto di salida.

Internet ariba speed di 2G lo ta gratis ariba henter Aruba. No mas permiso pa radio y TV. Mester contrala mejor radio, TV y internet ariba decencia. Tele Aruba mester bira un Tele Aruba N.V. cu programanan educativo y show pa asina e bira e canal di pueblo back. Tur partido politico cu ta participa na un eleccion mester haya 15 minuut di airtime gratis pa siman na radio y TV. Tambe pa publica 2 articulo gratis den corant. Un pueblo no bon informa ta un peliger pa democracia. Nos mester bai pa mas mobilidad y un Aruba bon informa.



